



房山集卷第十一

詩

五

弔史

禽殫繁弱奔兔盡韓盧首英雄起乘時時徂力難  
 爭精魂閉尺穴壯骨颺一作飛塵淒涼千載下間  
 風凜如生羸秦失其鹿圖王各嶂嶸斯人顧眄間  
 漢楚分重輕臣雖替末路君亦寒初盟豈不念疇  
 昔百戰同艱辛誰云漢網疎豪俊屢拂縈高蹈欣  
 繫鮮括囊聞飲醇

雙樹

倚倚映門樹團團若雙蓋微風薄層霄髮鬢鬪清  
籟逍遙步其下秀色吾所愛秋來霜葉紅飄落不  
相待

懷致中

寤覺殘夜永山寒氣逾清林幽萬籟息月出虛堂  
明披衣坐復起懷人思空盈經時不對面素榻淨  
埃生遙知念盍簪替臨風亦閑情寒帟望歧路慨然  
欲宵征無人導我先何因識門庭仰憑鴻雁飛書  
詞寫深誠詞多意莫宜盍簪遣幽恨并

棄竹夫人

愛憎情易遷感物思鬱紆念昔未棄捐當時君子  
居煩襟一披豁雅抱何清虛蹉跎怨時暮涼德竟  
見疎飛霜皓中庭愕然委牆隅的皜珠帟深焚燼  
錦茵鋪豈不懷舊恩君心已非初當年紈扇謹抱  
恨同區區

江山突星石士特欲易為獨醒有詩因次其

韻

群石翠參錯茲峰峙雲林突星名固夸流傳經古  
今幽姿儼向背異態生晴陰怒若抽翠筍端如立  
瑤篔杲有融結竒寧知化工深翁郎丘壑人籃輿

越秋岑崎嶇喪亂間逢幽亦登臨把酒視雲漢浩  
歌散愁襟著鞭雖後余歸蹤畧相尋獨醒訂訛謬  
懷人識君心政恐五字詩光芒射奎參玩味不可  
忘寫之朱絲琴

秋懷

哲人嘆逝川志士悲稟秋流光不暫停忽忽歲欲  
周涼颼襲迥野飛霜皓盈疇華林失鮮輝奔谿殺  
湍流萬化儻日徂吾生難獨留而我苦不樂彷徨  
復何求世途多軌轍今行非昔謀徒遵耿耿意齟  
齬固莫投時乎不再來豈余敢懷尤王道炳日星

蹙勝疲軻丘婦歟既改飾浩然亦回輶寂寞窳子  
歌棲遲長鄉遊客嘲徒自解天問終不酬長揖未  
免烹說難竟遭囚行藏或大謬聖賢共悠悠含思  
疚憤積念往川途脩煌煌青春姿蹉跎恐茲由諒  
非宏達觀那能齊百憂

四不忍

草邊飛騎如煙滅泣獸摧斑食其血此時疾首念  
鑿與玉體能勝飢渴無危城胥麴驚雷擾蒼黃無  
光天座杳奮戈儻未雪深讎我食雖甘何忍飽  
黃河鑿鑿冰成路人語寒空氣成霧此時泣血念

鑿與王體能勝凜冽無蒼黃天步蒙塵去畫衣飄  
零傷歲暮飛書倘未伐姦謀我服雖華何忍御  
平沙月轉旌旗影探甲為衾戈作枕此時飲恨念  
鑿與王軀能勝暴露無問安使者空相繼清蹕不  
回宮殿閉請纓儻未縛酋渠我榻雖安何忍寐  
漁陽疊鼓風沙戰潑水淋漓舞胡旋此時太息念  
鑿與王軀能勝寂寞無六宮遭亂多奔迸不復梨  
園歌舞盛著鞭儻未蹂龍庭我瑟雖調何忍聽  
雲際贈施子

驚沙慘淡連雲起曳杖悲歌行復止春城是處聞

憶如啜水六年喪亂兩相見世路艱難嗟若此江  
邊盜賊真遊魂挾虜聲援圖并吞金陵失守數騎  
入會稽移蹕千官奔只今州縣多阻絕消息時聽  
行路說百川背海欲四流八柱擎天愁更折符堅  
陳亂丘山摧夜聞鶴唳猶驚猜莫輕赤壁一炬火  
曹瞞氣焰隨飛灰功名邂逅有快意豈在今日無  
人哉天方稔禍祕豪傑故遣君輩多沈埋亦知興  
衰運有極天時一半因人力男兒遇事不作難看  
君赤手排荆棘

望京謠

雙鑿北狩淹歸轂寂寞梁園春草綠猶傳故老守  
孤城官軍不到黃河曲連雲樓櫓已灰燼更倚窓  
靠防箭鏃招兵大半出群盜繡襖蒙衣屢翻覆前  
宗後社力誅鉏白刃如霜挂人肉州橋燈火夜無  
光夾道狐狸晝相逐往時汴泗絕行舟市糶十千  
鹿滿斛衣冠避胡多在南胡馬卻食江南粟謀臣  
武士力俱因海角飄搖轉黃屋盤庚五遷方擇利  
昆陽一戰何當卜寧聞犬豕亂中華漢祚承天終  
必復夕烽明處望千門孤臣祇欲吞聲哭

詩寄嬾翁蕪簡士特溫其原仲致仲昆季

嬾翁疎散無與傳結庵名嬾山之幽蕭然杖履巖  
壑裏似是當年嵇阮流云何出處戾初志束書負  
劒俄西游悲猿攀車鶴卧轍去意勇決誰能留菴  
垂鐵鎖人跡斷破窓鳴紙風颼颼曳裾我昔翁門  
客豈知繼踵居翁室里間應記往還頻猿鶴乍驚  
賓主易尔來庭戶已更創尚榜翁名志陳迹傍菴  
小樹昔親栽鑿沼今遷在蒼北我山亭闕舊牆東  
此景新成翁未識遙知捧檄遵歸途摘山官况今  
何如書來頗厭作吏冗俸祿僅可供妻孥趨庭日

一見官長腳靴手板常睚盱簿書有程那得嬾卻  
視故隱真遽廬寄聲頓慰吾人望往時交友皆無  
恙鵝峯諸劉更互來清湖居士時相訪中郎司戶  
又繼歸酒社文盟氣增壯我慚淺拙難強陪每憶  
翁才真輩行拂衣早赴竹林期莫遣移文重前謗

遊龍潭

四客同笑言一僧陪杖履徜徉山水窟適意忘晨  
鐘巖北寺細竹溪南路中流石參錯不礙潺  
湲必澄小龍潭潤氣金碧聚時驚木葉墜俯見  
潭底新遊非預期偶介造佳處幼與丘壑情陶

人亦解歸淹留意所願惟以客友故夕陽淡寒山  
遲回不能去

田家

長空淡淡如雲掃暮過田家風物好耕犁倚戶寂  
無人飢牛卧齧牆根草

沙頭

沙頭鷓鷯寒相傍老樹槃跚枝拂浪前村急雨漲  
灘流日暮漁舟撐不上

臨池歌

劉致思倦游復卧故廬有意學書來求石刻因慨

然念昔經行秦洛趙魏間未嘗不回駭駐軫搜訪  
古迹故宮遺址豐碑斷碣歷歷相望也吹埃剔蘚  
考年代之所志訂古驗今識興衰之所自至乃壞  
壠荒榛微陽霧雨雖暴露濡沫僮僕色難而余躊  
躇不忍去也竒蹤偉筆多致墨本甚者缺裂模糊  
不可辨了亦皆摸脫以歸登登之聲殷乎山谷  
歸所獲車載牛負不可勝計喪亂以來汎掃焚  
何止七厄哉今披篋視之十得一二有副本者  
以與致思致思明爽嘗留心字學運筆流快風  
草偃固足以軒輊流輩然未能窺人藩域者功

一簣耳夫洞石什木非蹶張挽強者所能用志  
不分乃凝於神梓慶削鐻痾瘻承蜩皆此道也致  
思充是而學焉余不知其所至矣因作臨池歌以  
堅其志切切惇惇亦明友之義也

君不見鐘繇學書夜不眠以指畫字衣皆穿當時  
尺牘來鄴下錦標玉軸爭流傳又不見魯公得法  
屋漏雨意象咄咄凌千古斷碑零落翠苔封直氣  
英風猶可覩元常獨步黃初際清臣後出今無繼  
風神迥處一作本天資巧力亦自精勤至羨君好  
尚何高竒寒窓弄筆手生胝向來失計墮塵網銳



氣直欲摩雲飛男兒舌在心何忤卻擬臨池尋舊  
學要須筆外見鍾顏會自蛟龍生掌握銀鈎石刻  
余何愛勸以短歌君勿怠他時八體妙有餘此歌  
儻可君紳書

胡兒莫窺江

胡兒莫窺江長江限絕吳楚間驚濤駭浪如連山  
鯨鯢出沒含戈鋌汝不顧死爭相先鳴鶻不響突  
騎閑浮屍隨潮去復還胡兒莫窺江樓船一入高  
崔嵬鼓柁叱咤生風雷吳儂入水雙眸開汝不素  
習胡為來生雖欲殺死可哀南北孰非吾民哉胡

莫窺江前年飛矢入未央日月雙隊天無光去  
年一炬燒維揚丹鳳徙穴仍南翔國一乃如衡有低  
昂大我豈得稱天王暴興恃暴必亟亡乘蛇古讖  
開其祥中興將士材無雙撫劔氣已馳龍荒胡兒  
胡兒莫猖狂

和李巽伯春懷

山寒古寺清  
斷續春朝雨遙憐遠客情寂寞誰  
晤語平生氣軒昂失意今易與有酒即佳晨無兵  
皆樂土微吟對節物林靜幽花吐悠悠念鄉邑耿  
耿悲豺虎  
有濟時才從橫在談塵功名恐未遲

老翻期更舉

明皇九馬圖

書生兀兀園不窺  
馬豈辨騮與騅  
開圖九駿立  
突兀摸捺知是真龍兒  
奔雷蹴踏原野動  
曳練慘錯風沙隨  
華纓金絡豈不好  
矯首奮迅那容羈  
吾聞取驥如擿士  
競愛妥帖驚權奇  
士懷倜儻衆論斥  
馬有顛顛群駑欺  
六閑豢養固恩厚  
橫氣摧折常鳴悲  
丹青儻不逢妙手  
萬世豈識真龍姿  
因思中原政格闕  
鐵騎倏忽銀山移  
著鞭安得致此物  
掩畫四顧徒歎欷

怨女曲

空原悲風吹首霜  
胡兒飲馬桑乾曲  
誰家女子在檀城  
嗚嗚夜看星河哭  
黃金為閨玉為宇  
平生不出人稀覩  
父憐母惜呼小名  
擇對華門未輕許  
干戈漂蕩身如寄  
綠鬢朱顏反為累  
朝從獵騎草邊遊  
暮逐戎王沙上醉  
西鄰小姑亦被虜  
貧賤思家心更苦  
隨身只有嫁時衣  
生死同為泉下土  
出門有路歸無期  
不歸長愁歸亦悲  
女身軟弱難自主  
壯士從姑不如女

防江行

五首

無草草編編  
黑黑黑黑黑  
黑黑黑黑黑  
黑黑黑黑黑  
黑黑黑黑黑  
黑黑黑黑黑  
黑黑黑黑黑  
黑黑黑黑黑  
黑黑黑黑黑  
黑黑黑黑黑

朝來殺氣秋千里無立草翩翩黑幟飛結壘天長  
道獵罷楚天寒黃雲淡如掃

漢家飛將雄夜戰蕪城北覆刀斫盡利月暗穿圍  
出低頭拔胡箭卻向胡軍射

寒烽隔水明虜意猶叵測君王自臨戎萬騎隨清  
蹕士氣薄層霄挽槍夜無色

江邊五色旗分摠期門士驚砂雜雪飛日暮孤城  
閉寂寥良將風誰識投醪意

樓船動滄江江晴鼓聲發男兒取封侯赴敵如飢  
渴腰懸字董頭長歌獻金闕

書山和安汝功採紫竹杖篇

赤籐表珍竒挑行寄吟翫高情在丘壑微物懷深  
睠徵工匠遠林彌山選一幹雲根傍崖厯是堪色涵  
霜變匪憑精刃揮根抵難立斷慙慙為摩撫煒燁  
光浮爛觸石聲含鍾揮波影搖電矧余疲曳姿假  
力斯過半皇皇駟馬威秦趙昔臨按胡為步繁跚  
猥逐漁樵伴千金一顧重朽質增華煥不經提携  
未弃擲亦何筭夙懷用捨情感茲發長歎

贈宗周賓

我車南君車北相逢總是天涯客擁爐談咲一燈

殘出門風雨千山隔

潛淡灘

南來甌粵無平陸林巒起翠波騰綠扶輿政恐犯  
霜露買舟儻可休僮僕清灘白晝雷霆作亂石驚  
湍犬牙錯平生珍重千金軀舟子一篙那可託飄  
搖葉溱勢轉急金竈傾頽不能立眼看白浪散銀  
山蛟螭百怪堂堂出人皆乘險欲趨刊我不安行  
悔可及吁嗟世路風波猛巧弄危機暗騁江湖  
湖舟猶自戒勢利滿人終莫省矯情鎮物未足言  
書此聊為後來警

巡寨偶書

窮寇轉趨海吾邦備宜先連年戍役頻徵兵及漁  
佃扶戈或推齒嬰胃仍華顛未知戎伍肅朱旗亂  
長阡林端晚燧發石際飛梯懸崎嶇樵牧地萬竈  
生浮烟我行視營柵兇戲端可憐倚茲形勢險寇  
至常遷延群兇昔吾軍赤指抨鳴弦防胡屢瓦解  
合寇俄星連猶多燕趙兇意氣非當年駢車載珍  
寶結騎馳嬋娟時危天稔亂事豈汝能專怒風飛  
驚濤河梁失歸船四顧天地黑攬衣思茫然

次韻蔡學士梅詩

梅稍破白香清切清雨含春不成雪瑤池髮鬢萬  
妃遊縞袞練帔何鮮潔凌晨燦爛勿驚馬眼客中又  
過嘉平月年年見梅非昔地海角尋芳更愁絕多  
情欲伴曉雲飛有恨只教啼鳥說兵厨况是酒如  
澠東閣喜聽談吐屑飄零使我懽意盡山城暮角  
聲嗚咽庭邊一樹春最晚照影遙憐水少折暫忙  
不到今幾時南北枝頭開又歇新辭婉媚發春研  
未害廣平心似鐵

禱雨蟹泉

厭旱訟風伯苦雨誅雲師天公良獨難尔民多怨

空夏潦色原隰苗端漲清漪冬暄但流塵土堅不  
銜稔陰陽有乘除此理固可推惟神執天權憫物  
思濟之穴泉類蹄天幽靈隱其涯髮鬢小雙螯控  
御蛟龍隨名居列曜尊箕畢可指搗顧匪郭索倫  
嘗辱左手持滂沱為一縱豈惟潤東菑灑灑燠氣  
清浮浮瘴烟披將聞鼓腹謔寧求折肱醫寸澤垂  
二惠此功神所尸遙知青青麥春風滿陵陂吾儕  
飽湯餅敢後椒漿期

負暄

宵寒卧增裯晝寒起增衣何如負暄樂高堂日暉

暉引光蘇盡闕追影榻屢移妙趣久乃酣瞑目潛  
自知初如擁紅爐凍粟消頑飢漸如飲醇醪暖刀  
中融怡欠伸百骸舒爬搔隨意為稍回驕佚氣頗  
改酸寒姿薰然冰慈仁天恩豈余私願披橫空雲  
四海同熙熙矯首望扶桑傾心效園葵

子魚

舊聞通印名海錯珍莫踰火氣爍鱗鬣鹵香泛庖  
厨泥泥子盈胞鮮美禍所區生如粒芥微多石囊  
粟儲他年想吞舟勿輕此錙銖一咀命千百雖其  
汝安無窮久享乳時罩恩海為虛含凍臚猶僵得

鴻味已渝虐戲等刻乃子淫刑幾戮孳入深襁褓恩  
在物愛豈殊閩風易殺子盥水沈其軀詎有惻怛  
心旁推及豚魚相殘人獸均自殘獸不如哦詩化  
蠻獠因警號食殄食徒

郡圃觀酴醿

憶昔尋春西洛橋酴醿結洞橫朱架翠帷銀網一  
番新百萬花頭相枕籍飄搖羽客靜疑仙窈窕素  
娥嬌欲嫁細蕊摘貯絳紗囊撲鼻清香奪蘭麝論  
花每恨流品雜韻絕江梅此其亞紛紛紅紫已空  
條耿耿冰霜猶照夜只今漂泊一身存海角逢春

足悲宅銀苞翠蔓宛如昨瘦骨蒼顏忽敬馬乍當時  
我最推少年想見同遊更衰謝洛陽園苑狐兔生  
虜騎時來北邙下浮生榮悴均有老萬古興衰那  
足訝南鄰地主好襟懷官事稍閑須命駕急須喚  
酒賞餘妍惡雨狂風不相借

木犀古風

化工吝幽香斑斑被花木氤氳寒巖桂高韻蓋群  
馥無人盡日芳守志何幽獨士介恥求知女貞慙  
自弔淒涼楚山秋樛枝吐金粟淺水映輕明微風  
發含羞樓端靜忽聞馬上遙相逐踟躕為延佇但  
見林巒綠新翠誰折贈清芬闕廬屋久處不自知  
乍至彌鬱郁客悲芳歲暮憂遶寒溪曲長吟小山  
詞古意恐難復

食蠟房

蠟房生海壖堅頑宛如石其中儲可欲雖固必生  
隙嵌崟各包藏硜礪相附積終逢霹靂手妙若啓  
扃鑄鑠灼諒難堪曷不吐餘瀝南庖富腥盤豈惟  
此稱特吞航大絕倫梯鬻萬夫食針鱗九牛毛小  
嚼逾十百光螺暈紫斑節蠶膏湛金色水母脆鳴牙  
章舉懸疣密烏黏力排鼻貼石不可索妾魚戲浮

波媚鮎雌雄匹蠶繅輒橫務鳥鬻縮常畏出車螯不  
服箱馬鮫非駿跡江瑤貴一柱嗟豈棟梁質骨柔  
競愛鯪多鯁鮒乃斥蚘虹鮭赤文肉黑魚之賊鯨  
鱉鯉鯪鯢鮠鮡鮢鮣鮤鮥鮦鮧鮨鮪鮫鮴鮵鮶鮷鮸鮹  
包涵知海量長養荷天德貪生族類斃系失地波濤  
窄網畢人創禍甘鮮已為厄紛然均可口流品當  
別白微物倘見知捐軀不足惜

春寒偶書

浮雲匿景暉雨雹敬馬春晝天公號令乖陰晴變  
何驟小徑踐芳泥通渠走寒溜風顛萬木偃氣凜

手慵出袖寒幃望空明屋角見遙岫良朋不可招  
塊處慚孤陋青青桃盤示長奕奕蘭花秀長吟曷咨  
嗟佳辰去難又

荔子歌

炎精孕秀多靈植五子佳名聞自昔絳囊剖雪出  
瑤盤尋常百果無顏色閩天六月雨初晴星火熒  
煌曜川澤效如彩鳳戲翱翔爛若彤雲堆翕赫中  
郎裁品三十二陳紫方紅冠流匹鹽蒸蜜漬尚絕  
倫啄鮮空羨南飛翼我聞二和全盛時貢輸不減



開元日涪州距難已云遠况此奔馳來海側繡衣  
中使動轎車黃紙封林遍阡陌浮航走轍空四郡  
妙品人間無復得似聞供御只織毫往往盡入公  
侯宅驪山廢苑狐兔靜良嶽新宮擊鼓急一作繁  
華今古共淒涼遶樹行吟悲野客西風刮地戰塵  
昏一聽胡笳雙淚滴

屏山集卷第十二

詩

法石見李漢老叅政

我識今朝李翰林十年隔絕飛寸心素書每逢雙  
鯉得雲路欲倚長梯尋翰林昔叅建炎政想見中  
興人物盛方圓齟齬不足論角巾雅有江湖興玉  
堂草詔褫凶鬼丹陛陳謨發天聽介圭便合趨公  
還只今密物才稀並自憐隨牒東南奔假道因得  
登龍門怪余髯面益老矣一咲問勞情彌敦僧坊  
蕭蕭遠闐闐豈料飄零獲清對牛行尚憶王相宅

公舊居京成牛行曩日交遊幾人在濁酒青燈夢

寐間九州四海煙塵內區區王事今有程暫見復  
別難為情長亭喚馬一悽斷壁月晚墮桐花城

### 歸田

聲色家有穿軒裳仕之囚冥行不知迷今將返吾  
輒愛慕洗餘習清虛樂孤遊亭亭隱仙巖迎人入  
雙眸稻色黃弄弄溪光碧油油佳樹殘照滿高穹  
亂雲流乍參樵牧群辭氣不婉柔性有書史癖時  
逢甲兵休斯懷黨遂全曩志不必酌

### 省拱辰山

羽衣已煙銷言歸省先塋豈無消息至休惕意自  
為兵戈道孔由不折寸草徑神物陰有護危感肅  
其獐敬瞻壠闕雲墮淚睚睫盈如承慈稔顏如聞  
聲唼聲道餘孤風存澤本遺愛成昔我罹禍苦結  
廬傍佳城哀慕寧有極忽忽時序更慚愧舊巢鳥  
常遶松栢鳴

### 士特贈筆

書成癡傳成癖平生識字真無益筆扛鼎思涌泉  
何如蹶張強弩絃管城雅貺情雖重感此難難拙  
於用君不見翠華南渡江江路八百里胡兒飲馬

鏡湖邊不逢漢兵胡自止只今城闕多旌旗報國  
擬將雕面兒長星吐堊南掃北轉禍為福須乘時  
虎頭心事不能已勸君勿弄毛錐子

諭俗十二首

故園喪餘歸來復何有鄰人雖喜在憂悴成老  
叟為言寇來時白刃穿田畝驚忙不知路夜踏人  
屍走屋廬成飛烟囊橐無暇取匹夫快恩讎王法  
誰為守艱難歷冬夏遷徙徧林藪深虞邏寇知兒  
啼扼其口樹皮為衣裳樹根作糧糗還家生理盡  
黑瘦面如狗語翁翁勿悲禍福較長久東家紅印

郎長大好身首荒荒戰場頭白骨先朽

西村人慚歸撐柱燒殘屋東村但蒿萊死者無人  
哭昔茲號富穰被禍尤殘酷二三里中豪喪亂身  
為僂遺骸悵竟掩飢為啄其腹豈無平生時意氣  
凌鄉曲錐刀刺微利舞知其悻獨錦囊收地券奕  
葉相傳續只今鄰叟耕歲歲輸官穀尔曹何顛愚  
人生固多欲

何州無戰爭閩粵禍未銷或言殺子因厲氣由此  
招蠻陬地瘠狹世業患不饒生女奩分貧生男野  
分苗往往衣冠門繼嗣無雙鬢前知飲啄定妄以

人力僥三綱既自絕餘澤豈更遙王化又淘漉刑  
章亦昭昭那無舐犢慈恩勤愧鷓鴣冤報且勿論  
茲義古所標

愚氓擾潢池難難亦常態箴紳有包藏事異吁可  
怪豺聲又伺亂鯨戮終何悔游言張兇焰巧謀移  
機會初如卵殼微趾踐悉糜碎養成羽翮雄飛掣  
鞬繩外翦鉏淹歲月螫毒彌疆界向來詰端由罪  
白不容蓋南冠囚載路東市誅其最隆寬俗與新  
僥倖汝勿再

野人厭羨藜家有庖丁力徒誇批導手肯念耕

勞隱然肉山雄畏天大蠶操春泥卧寒野夜月犁  
東臯辛勤力已盡蘇禍豈逃誰無惻隱心鮮能  
勝貪饕食蓋惟猶示恩况異犬馬曹

扇馬嚴內仗貂璫侍宸閣哀哉里閭間刀闌逮雞  
豚放麇識忠蓋毋卵著格言矧利肥甘軀絕其孽  
息源難銷愛欲心物物天性存逆情氣必戾順化  
生乃蕃誰開口腹謀無乃傷仁恩

粵人多悍驕風聲亦惟舊兒童僅勝衣挾箠相格  
鬪藝精氣益橫質化心忘陋家饒喜稱俠世亂甘  
為寇豈伊天性然習俗所成就吾聞互鄉童翱翔

聖賢困隱豹弄爛斑攻駒發馳驟佩觿亦何知義  
方得無謬

村南并欲乾曉汲盈瓢濁飲濁不足言柰此田畝  
涸咿啞龍骨響音煥爛陽烏虐良農無他營辛苦事  
東作春苗何惹草秋刈何稀薄我雖食有餘念彼  
心不樂乞靈走群祀晚電明霍霍屯膏竟未施天  
意自難度

震雷霹枯松頑龍失其據浮雲三日雨盈畝復他  
注商羊舞未休旱魃消何遽稍寬人心切仰荷天  
恩布稻畦裊連顛按穗給朝飫菜畦擢新萌蕩滌

死為蠹歲儉民死空時豐家悅豫青青寒菜色亦  
復貪雨露

茲鄉山水佳昔乃為盜窟吾廬已煨燼荒草牆兀  
兀牆東大梨樹惟此為舊物火燒枝葉盡老本更  
奇嶮衆鳥巢空庭失清樾鄰兒利薪爨往往  
肆戎伐豈知昂霄勢長美食自毫末寒堤孤碓在廢  
圃鳴泉出衡茅且經營霜霰散莫倉猝

未須首吾廬且復修吾倉求安當卜居求飽當聚  
糧營生力有限先此計頗長去年稻盈畦避寇不  
可新芽雨後白卧穗霜中黃鰈憐有飢色寇釁

猶糧解衣易升斗糠粃隨風揚休嗟昔艱難喜  
茲歲豐穰鄰翁為人耕貯粟不盈箱溪頭廩與困  
累累已相望

縣牆挂德音盡弛今年租旄倪發懽謠助達和氣  
舒皇恩施甚厚疲瘵望少蘇吁嗟吏舞文詔紙墨  
未渝借貸盡白著勾稽窮宿逋拮克儻歸公民貧  
猶樂輸量權徵倍耗資緣竊其餘寧逢盜剽攘厭  
聞吏追呼盜姦久必戢吏姦無由鉏雷霆不言威  
肉食忍自誣故態勿狃習窮閭勿侵漁勿謂天聽  
高勿謂黔首愚

清江行

一棹老清波稚子學語能漁歌日暮沙頭寒  
竹雨餘船角亂堆蓑粥鬻殘小鮮仍自鱸湖海茫  
茫醉鄉內夜闌酒渴漱寒流月照蘆花上蓬背

聽詹溫之彈琴歌

鳴琴藝精非小道可惜溫之今已老玲琅一鼓萬  
象春鐵面霜髯不枯槁自言寡知音求我為作歌  
號宮韻角可聽不可狀錦腸繡舌空吟哦吾意其  
一氣之濁清兩曜之晦明山河之結融雷霆風雨  
之震驚包羅具七弦開闔造化由人心又疑夫堯

禹之躬行立軻之立言瞿聃之同歸百家諸子之  
紛然更歷千萬古此意不滅絲桐聞滌除浮慮清  
蕩靡手愁襟開琴之氣象廣莫有如此欲媚俗耳知  
難哉寒缸燒酒夜向闌罷琴歸矣我欲眠夢跨冰  
輪出瑤海一咲碌碌瀛洲僊

鵝峯居士以地黃遺病翁因為作引

君不見咸陽之原涇渭之間靈苗叢生綠芊錦春  
風莽莽膠晴煙天馬嚼齧黃金涎渴噴清浪香浮  
川年深駿足宵騰邁目有申光破昏昧方經誇異  
黨不誣伊人服之功必侔  
種藥南山隅

一連庭除長鏡斲動雲壤婉婉盡拔生龍鬚  
飲之清醪觀其德宛如君子彌溫克浮沈詎卹世  
論量蒸爨益見中腴澤我年三十號病翁空齋藥  
杵聲瓏冬未能醫國慚君賜舊書且讀蠅頭字

萊孫歌

屯田詞考功詩白水之白鍾此奇鈎章棘句凌萬  
象逸興高情俱一時耆鄉骨朽士特死澗谷錯莫  
無晶輝後生俊秀何其寡五口宗喜有萊孫者雙瞳  
點漆面如水一見使我心神寫讀書已通經學賦  
已知律只今年十三吐氣成五色驪珠出海夜生

光突竒流弦追莫及人材有價誰能私不妨乃翁  
聊譽兒囊中彩筆今付汝往繼二妙聲名馳

夢仙謠并引

劉致明夢與七客游仙胡原仲與焉其事甚異致  
明清脩純實非夸誕人也因為作謠以記之他時  
二人凌太虛誦此謠當懷所謂病翁者耶

我鳥子峰前波色清劉郎看山無俗情癯儒自昔有  
仙骨夜夢體飛如葉輕雲中不識朝天路雙童導  
我凌空去側身度巖隈盤盤復回回翛然意往形  
不礙石窰蘇竇俄天開乘槎夜泛牛女渡鞭鸞曉

入金銀臺花深一不逢人時聞佩環聲仙翁睡起方  
結襪見客坦易無崖垠擊蒙鼻垂矜叩妙獲一言  
七情泯心心憤昏窒慾如水澄其源口中吐咀藥  
手撮仍見分旁有冷冷泉三漱乃盡吞駐紅却白  
非難事貪生慮死真愚計當時同遊七姓俱但記  
古月成胡字塵緣未斷不得留海風吹過蓬瀛洲  
覺來牕戶真矇曉玉鏡晶晶墮松杪

雲際會劉致中

紅綃千樹飛雪殺萬株李柘葉青青如鼠耳橫山  
渡口浪成堆認得劉郎船子來物情時事不須說



且喜新歲同銜杯少年鼻哂輕流俗歛銳收豪今  
碌碌敝裘常帶客塵緇雙鬢實不如春草綠東風吹  
愁入我心使我嘯嘆成悲吟問君底事久留此曷  
不懸鐮歸故林

懷舊歌

黃茅生煙暗村落浩歌無復當時樂鄰家酒熟送  
鼻香一醉乾坤墮冥漠尋芳屢過垂玉軒叉魚夜  
上浮清閣聞牌擊鼓多伎倆我獨旁觀惟大噉驚馬  
烽入座懼難保幸得身存他勿道吾宗潛武卧空  
棺衮臣兄弟埋荒草當時醉舞向花下綠鬢朱顏

各鮮好隙駒風燭尚須更數子凋零不待老死生  
細事從渠天莫學兒女相哀憐一窻容膝可終隱  
寇盜擾擾今連年王師誅鉏有漏網死灰焰焰猶  
思然憂煎過計祇自惱且但努力耕吾田

夜過王勉仲家宿酒數行為作此歌

遙林帶雪迷村曠伶俜一馬行無伴故人家住丁  
坂頭停驂避迨成清款犯寒知我猶空腹地爐然  
薪架紅玉花瓷湯酒欲生香竹外庖厨聞剝肉夫  
君不有中饋賢咄嗟辦此何神速酒酣意氣悲荆  
棘尚憶朱薨舊時宅豺狼得志竟何成至今人骨

如霜白亂離少有闔門在漂蕩俄驚五年隔數畝  
荒田已失耕一間茅屋仍留客客情主意懽難盡  
短臘窮冬春欲近明朝分手更愁人且覆清觴莫  
留賸

夏日吟

君不見長安公侯家六月不知暑扇車起長風冰  
檻瀝寒雨重欄邃屋晝生陰反易天時在談吐又  
不見五陵富豪兒炎天多快意雪穀曳輕明珍饈  
嚼甘脆蛾眉皓齒發清歌灑酒筠枝集蠅蚋何如  
野客歌滄浪萬事不理心清涼流金鑠石未為苦

利如火焚中腸

萊孫求墨并以詩與之

何年老烏龍排山折其角漁人網得之澄淵起雪  
電異物世常猜神光夜潛覺流傳歲月深質槁紋  
斑剝漆簡射晶熒玄圭麻非雕琢孰謂喬松煙能成  
此堅確晴窓試墨池雲霧生掌握只恐化蜿蜒飛  
騰入冥邈萊孫真可見句法有家學贈汝囊中珍  
慚余鼻端斷

劉致中惠瓜

炎燭氣如焚塊坐惟兀兀劉侯惠甘瓜胞次馮溟

渤海豐膚素浪浮翠理霜刀刺因思少年時窺園步  
清樾百金酬地主熟帶香可揭鄙懷須一快聊効  
野人斲種瓜雖賤工愛護渠敢忽孳芸治其煩灌  
漑滋其竭自然子母繁翠蔓相連結種瓜誠有道  
養民豈無術噫余夙昔知此意未及物

白水見梅憶士特

去年看梅時中郎共開樽今年看梅時獨招中郎  
魂悲歡聚散誰作惱擬欲問春春不言

送謝中丞

相別夢悠悠相逢懽草草送君躍馬臨長道十年

顛顛向塵埃一段精神摧不老

與純臣原仲溫其煮魚羹

衆賓會高堂嘉魚脫重淵霜鯢尚呀呷綠藻仍牽  
連厨人起揜袖刀杓鳴鏗然斷尾頰殼碎批鱗玉  
花翻雲雷翳深金清香已遙傳投葱裂素絲裁薑  
落金錢陶甌舉筠箸更覺真味全細紋松江鱸縮  
頸槎頭鱖吾儕但知飽美惡無棄捐何論調羹手  
聊復試小鮮

餘柑

炎方橄欖佳餘柑豈由裔風姿雖小殊氣韻乃酷

似驛顏澁吻餘髣髴清甘至侯門收寸長粉骨成  
珍劑猶聞雜蜜草少轉森嚴味竒才用不專雖用  
何殊棄端如效吾言逆耳多嫌忌棄果事何傷違  
言德之累悅口易逢知感茲發長喟

打魚歌

西溪觀魚仍開樽鳴榔隱隱沈煙村吾人豈有竭  
澤意頌洞四際魚龍奔驚潛初見穿亂藻亟遁轉  
覺迷深源向非驅迫群黨聚罟鹿徒使波濤渾巨  
鱗足供數客飽銀刀瑣碎不足論吁嗟神物未變  
化暴骨砧机寧非冤江湖萬里厭游泳失地斗水

能為恩臨流解網立意亦厚誘以芳餌仍爭吞因悲  
搖尾向數罟豈異俯首糜華軒慨然投箸起太息  
歸思已逐冥鴻騫

潭溪十詠

悠然堂

吾廬猶未完作意創此堂悠然見南山高風邈相  
望賓至聊共娛無賓自徜徉

海棠洲

煌煌海棠洲錦樹臨清灣常恨灣頭風吹花走潺  
湲潺湲去不息花亦無由還

醒心泉

藤蘿撥不開石竇一鏡明攜瓢酌清甘  
滲然瑩心  
神我病不能酌時來聽泠泠

懷新亭

茅簷入竹低曠野時寓目寂寂農家春  
新秧滿田  
綠何時稻登場秋山響蓬樸

宴坐巖

青青橈樹林下蔭蒼蘚石幽人宴坐時  
懷抱忘其  
適不見暮樵歸寒山雨中碧

山館

春林透舍青門館終日靜無思  
樂有餘所寓皆勝  
境更鑿庭下池溶溶浸山影

涼陰軒

北窓何所見踈竹雜遙岑涼颼思有無  
虛簷動蕭  
森此興何由盡移床入翠陰

橘林

木奴困新移憔悴雪霜侵呼童翦其顛  
割愛慮已  
深會待春氣回青枝補故林

蓮池

蓮池一畝餘瀰瀰吞衆流花繁不近堤  
欲往無方

舟不及池中魚隨波自沈浮

南溪

聊為溪上游一步一回顧悠悠出山水浩浩無傳  
注惟有舊溪聲萬一  
流不去

兼道攜古墨來  
二面龍紋墨背識云保大九

年奉勅造長春殿供御龍印香煤旁又識

云墨務官臣庭邽監官臣夷中臣子和臣

卞等進蓋江南李氏物也感之為作此詩

長春殿古生荆薈猶有前朝遺物在錦衣珍重出

玄圭雙虬刻作蜿蜒態枯皮剝製美幾剝斷缺

若不殺吾聞李氏據江左文采風流高一代當

時好玩不獨此器用往往窮奢汰微工選技填御

府不惜千金為賞賚治兵唐推英衛精治民漢許

龔黃最惜哉取士不知術妙手獨得庭邽輩真主

驅馳八極中荒王逸樂孤城內汗青得失更誰論

尤物競為人寶愛嗟余視此真糞土事有至微猶

足戒投文欲徃弔江流幽魂未泯應慚悔

入開善

雙童肩竹輿兀兀如乘舟及茲朝暑微遠訪招提  
幽蒼山望中橫清泉脚底流所歷已殊勝况乃窮

林丘僧房在在涼逢迎足茶甌岸幘幽鳥鳴橫琴  
素煙浮倦借一榻眠吾生復何求薰風溪上來虛  
簷散颼颼開懷若傾倒忽去不可留人間苦炎熱  
物外常清秋功名非所期聊尋赤松遊

寄茶與二劉

然松煮鼎山泉冽槍旗一水分優劣鳳餅推開雪  
照人花瓷啜羅甘潮舌大劉談天紫髯張小劉逃  
禪清興長會須酌此同翱翔或凌剛風九天上或  
泛弱水三山傍

劉兼道獵

劉侯好獵親馳逐指呼雙犬如奴僕朝衝唐暑亂  
雲來暮聽潭溪流水宿何如著鞭走大梁我亦與  
子同翱翔今年獵叛醢彭越明年獵胡羆德光

雲來暮... 隱... 詩... 觀... 劉... 題... 壁... 温... 其... 題... 詩... 新... 磨... 寺... 落... 筆... 風... 雨... 敬... 為... 長... 林... 眼... 高... 一... 世... 常... 欲... 罵... 想... 見... 掀... 髻... 坐... 巖... 陰... 致... 中... 題... 詩... 新... 興... 寺... 壞... 碑... 上... 歲... 久... 莓... 苔... 侵... 山... 僧... 好... 事... 亦... 可... 喜... 解... 誦... 鳥... 啼... 春... 意... 深... 我... 來... 經... 覽... 渾... 如... 昨... 玉... 交... 金... 昆... 念... 離... 索... 及... 林... 倦... 翼... 不... 同... 拙... 况... 復... 分... 飛... 在... 寥... 廓... 故... 山... 終... 勝... 他... 山... 好... 新... 交... 不... 如... 舊... 交... 樂... 何... 况... 把... 酒... 問... 鷗... 盟... 卧... 聽... 松... 風... 同... 一... 壑... 入... 白... 水... 訪... 劉... 致... 中... 昆... 仲...

屏山集卷第十三

詩

觀二劉題壁

温其題詩新磨寺落筆風雨敬為長林眼高一世常  
欲罵想見掀髻坐巖陰致中題詩新興寺壞碑上歲  
久莓苔侵山僧好事亦可喜解誦鳥啼春意深我  
來經覽渾如昨玉交金昆念離索及林倦翼不同  
拙况復分飛在寥廓故山終勝他山好新交不如  
舊交樂何况把酒問鷗盟卧聽松風同一壑  
入白水訪劉致中昆仲



夜雨歇清曉山椒雲氣昏鴛言聊出遊窈窕窮川  
原側帽避橫篠揚袂障晴暎春泉散石壁細草羅  
丘園陟峻已逾嶺窺深更綠源喬松傍澗折垂柯  
激潄溪過籟寒慘慘驚林白翻翻造幽景寥閭勝  
絕難具論僕天知余樂踟躕為停軒惜無從倚地  
時來此開樽暮投鷲峯宿青燈耿柴門相從二三  
子交情久彌敦談玄測象攬佩紉蘭蓀願言固  
所懷丘壑吾道尊

攜筇

晨起偶無事攜筇出潭川翩翩雙鳥飛宛若道我

前林靜滴殘雨村深澹寒烟當春足膏澤俯夏餘  
清妍野溜絲交貫山花紅接連雄觀發新奇勝地  
窮攀緣據石弄鷲急班荆蔭連卷幽懷脫塵拘如  
超混芒先向今作興來未必勝偶然榮觀事多乖  
內取樂乃全他時誰繼遊此意遙相傳

續賦家園七詠

早賦堂

南溪抱山沅潤氣滋林麓平生歸歎心寄老一堂  
足夢破午牕陰清風在寒竹

橫秋閣

秋山萬尺青影落杯酒中登臨豈不佳寒色見遠  
空未忘天下憂胡塵起西風

萬石亭

嵐光近卻無一徑緣崖斷危亭勢欲飛翠石雲中  
亂小山闕清遊懷人發長歎

桂巖

山中多桂樹亭亭傍幽巖微風發秋香十里穿  
杉誰歌招隱詞吾生付長鑱

百花臺

森沈徑易迷楮節為徘徊何處春光多時登百花

意遠亭  
意遠亭人澹無情林花為誰開

醠醠洞

不愛醠醠花愛此醠醠樹青條含露滋輕陰覆行  
路晝永倦尋書時來散幽齒

意遠亭

雨餘陂水平徙倚聊一望歸雲淡欲無宇宙何清  
曠吾心游太虛聊寄此亭上

題靈鷲窓

翠合初疑無路往停鞭邂逅成清賞僧爐坐穩紙  
窓明細雨忽來山竹響

和温其對月之什

意穰如亂苗已雜仍復生讀君對月吟知君懷未  
平懷懷有豐恨吟苦無和聲雄豪睨一世失路鴻  
毛輕所所以達觀士榮枯兩忘情蒼蒼古松林下有  
父泉清醉倒石上眠山禽喚人耕

讀平險銘寄李漢老

官侯鑿平劍浦灘游子不歌行路難李公作銘垂  
不刊峻峰激流生筆端斯文豈但夸誰觀寓理之  
異開龍窟自惟人性天同廣胖橫自立見分庭壇紛  
致蔽翳榛葦荏騰逃鬱在猿蛇虺銛剡獵利劍戟

滋陰暎截裂趙魏韓千崖百瀨中繞蟠覆溺鬼岸  
摩堅完胡為氣舒兒顛預旁觀已洞其肺肝浮思  
一縱坂走丸不極不止巧力殫塗膏然箕卒焦乾  
萬古乾坤元自安堂堂靈君司五官乍臣乍叛勞  
控搏日漸月磨如印利壯哉情祈牢盤還正字躁  
謀欲驟加雕刻慘若蕭斧臨解體自腥夷之良可  
歎何如含垢休索癢灑灑落落從中看豁然四通  
裂囊囊篋有如灘流平不湍鑑靜天空秋月寒瘳性  
此寔言中丹至味淡薄誰能食我昔蒙公分騰殘  
桐花城西路漫漫裁戕屢喚南飛翰何當溲淪紉

椒蘭厚地為履天為冠從公上征鞭龍鸞訪瞿追  
孔聊遊般物外虛明如許寬脚底日轉紅團樂瑤  
池造席一笑闌春著萬象流餘懽茲遊未遂心傳  
博吟餘北窓睡長齋清風時來撼琅玕

同胡原仲吳公路遊清湍亭賦詩得流字

出山曾幾時桂露颯已秋興來任兩屐散此默默  
憂嵐光近仍滅鳥語靜忽流新亭迥臨危急澗循  
巖隙上有獨樹蔭下有鳴湍幽長飈一振蕩俯仰  
聞颼颼平生塵累心淨盡迥此遊徘徊嘯詠發瞻  
眺窮林立天寒雲已歸山好客自留悠然百不知

日月過則休人生幽心在我何必遂所求

和熊叔雅四詠

石峰春霽

露  
寒山遠欲無春在宜濛處何如掃浮陰盡放岩中

清湖驟雨

快雨不相期平湖勿心蕭颯坐久日明簷繁聲靜中  
滅

潭溪秋碧

秋空晚自明孤烟澹難起適意一枝筇時來對寒

冰

屏山夜雪

誰憐組練寒  
夜雪滿  
一管積有客  
臥衡茅  
淮山夢中

白

次韻李漢老詩

蒙莊嘆隙駒  
孔聖非心逝  
川百年生有涯  
萬感情無邊  
賢愚真唯阿  
繫心同一緣  
內熱蠱其中  
伊誰肯求痊  
樂哉今日遊  
血不實肅初  
進社樗間群  
材嫫母參  
衆妍謔弄  
既莞爾兩  
戲酬亦頽然  
胡為發爭端  
咄咄論深禪  
擊水但涵  
日波止薪  
自無煙便  
應三宜休

於論四不遷  
公如直軍馳  
揚塵絕通郵  
戎如馭小駟  
交鋒已回旋  
初謀不自量  
取困大敵前  
金化質不亡  
冰融水非堅  
市門有真樓  
相從待他年

次韻致明七言

春風搖漢漢  
搖夫劉郎詩  
思如涌泉已  
憐飛花太狼藉  
卻憂美豈長  
年綿癡兒了  
事從渠了萬  
古寒空沒  
飛鳥北海樽  
中興味長邯  
鄲枕裏功名  
小南山北山  
雲崔嵬蒼  
胡不歌  
婦去來山  
中文遊苦相  
憶玉柱瑤  
瑟生淨埃

謝方德順古風

吾聞滄溟深浸灌東  
南維長風一蕩瀟  
森蒼天為  
低中藏百怪珍文彩  
光陸離潛鯤盡鵬材  
游魚悉  
龍次負罔象  
翹波浮天  
吳躍空飛蚌  
雖辱泥塗猶能  
吐珠璣地靈物固然  
在人必多奇  
英英方家郎秀  
發如瓊枝裝懷素主  
書落筆幼婦詞  
我昔官壺山  
邂逅初見之  
賓筵為  
勸駕一武登雲梯  
鴻鸞九霄  
快驥騁天路  
夷似闌  
東諸侯辟書已交馳  
惠然訪  
五岳廬窈窕窮山  
谿夜燈一笑  
懽秋抱忽若遺語妙  
時脫塵飲豪屢反  
平危領新意自失  
佳處昔未窺  
胡為遽改轅  
歸袂風披披  
上祈養德業  
下祝慎鼎

言崇道公久別良佇思

少稷遠訪弊廬仍留佳句書此寫懷抱不足

為報也

常嫌門外車驅馳  
但揚塵今朝故人來  
喜聽聲麟  
麟昔別自梁苑分飛  
湘吳閩痛心鳴鏑  
禍事往勿復陳  
共載諧家閨分筇  
上嶙峋山川舊賞識  
挾友意彌新徘徊小  
精廬劇談口翻津  
為言漂蕩餘投迹  
荒寒濱夕火斧僧林  
朝餐糴鄰困官閑非  
所恨有祿不濟貧  
牢愁寫萬斛語  
杜眉不顰定知撐腸  
書為君發精神  
調鐘尚變亞畫龍  
孰窺真吾聞調

儻才韜默貴自珍量海浚宜廣豪山磨欲磷十科  
世所重羣公謂當仁向來薦牘飛璧光動高旻陳  
編論糟粕中有王道諄謀國必張國瘵民須活民  
但得君名揚何異我志伸

柳源觀瀑戲明仲

山橫曉色中綫路窮崎嶇何年貫日虹飄然墮秋  
虛晴暉發燦爛陰飈助傾輸淙深粉雪沸注險龍  
蛇趨平生蕩浩胷對此聊一舒蒼蒼古澄潭影影  
幽靈居竒觀付豪逸餘閑分膏腴來遊今七賢  
迹欣與俱扶筇卻軒輕坐石安甃甃壁陰生小穴

賞漁樂有餘詩魔久已降幽事復起予為言玉堂  
人五字不可無

次韻明仲遊將軍巖

樂哉今日遊結友盡英秀山靈欣客來閣雨開雲  
岫步履出烟嵐聲呼答囁實輕生快險竒一墜那  
復球崇林蒼地幽長湍瀉天漏精廬記舊經密徑  
迷新造將軍隱高寒古井餘荒甃巖有將軍井當年百  
戰疲蟻蟲生戎胷心存巢許間功豈韓彭後慨然  
望中原毒手方交鬪曷不生斯辰天驕過難宥妖  
氛六合昏長夜何時晝尊周感獲麟懷楚歌啼狃

世變弄難知如瞽窺篆籀置之勿重論大白引醇  
耐幽禽靜一聞寒芳晚三嗅方虛接勝懷日較轉  
何驟山南山北竒脚力倦尋究良遊易蹉跎澹境  
難宿留詩囊歸倒懸瓊瑤羨君富

寄彭子靜

凍岫立高白曉寒生太虛閉門翻中勝偶見良友  
書書中有長句別懷陳鬱紆吐鳳詞既絕續貂理  
難如起望新鄉雲一讀三卷舒繁思攬中荷賴此  
豁欲無鵠鷄有潛化蓬麻豈資扶吾人交義深不  
恨相見疎但恐德不脩心期愧非初

必源以古風見收詞意甚遠因為賦風吹原

上苗勉其殖學待時也

風吹原上苗青青入無邊發生賴陽和秀潤滋澄  
漣游車走道旁忽之如浮烟那知丁黃愁朽腹望  
果然農功日夜急地產東南偏飛霜皓盈疇豐穗  
垂連顛盤盂薦新嘗瓊糜失輝鮮物生為世用豈  
較成後先羣芳紅打圍從渠爭春妍

少稷賦十二相屬詩戲贈一篇

不用為鼠何數竒飯牛南山聊自怡探穴取虎有  
竒禍守株伺兔非全癡文成雕龍盈卷軸畫蛇失



杯坐添足走馬章臺憶舊遊歲月纔驚羊脚熟六  
總要自息獼猴異雞無應心日休白衣蒼狗變化  
易世事何殊牧豬戲

夜行潭溪上念仲原致中喬年茂元伯達皆

有人山期以詩趣之

長夏不見雨祥暑故相病及茲顛氣回一夕飛灑  
併攬衣步新涼宇宙溽清潤月離去南山高水循  
變靜流觀外既洽至樂中湛應緬懷平生友契  
淵時光運石峰許尋盟有約殊未定事紛莽如塵  
欲掃那得盡年衰覺世浮慮澹知心勝良游莫蹉

陀小暇即乘興

再和六四叔所賦十二相屬詩

飢鼠緣條殘果墮舍如蝸牛足高卧無心虎斃逐  
群英尚想兔園傾一坐同年我又衰龍鐘夔蛇相  
憐寧有窮馬革戰場空白骨羊裘釣瀨餘清風棘  
端造猴巧難學且赴茅簷雞黍約雲深杞狗夜可  
尋已辨豬靴走曉确

讀曾吉甫橫碧齋詩

攜鉏引荒泉偶步松崗北冷然毛骨清楚尾見秋  
色稻氣馥初涼榿陰澹微日緬懷小齋居櫺檻增

岑寂曠度滅知聞微吟數峰碧若人端好脩珍加馬  
動無迹深窮伊水源峻陟衡山極終焉憩孔林所  
樂惟自得延和數酌醪侑靜一編易向來辱傾輸  
洞見胸中白思親道匪侔既遠情不懌矧余質冥  
頑固未易刻畫尊生有遐心克已無全力以茲畏  
所知負負常夕惕餘波償時漸玉汝天其或

次韻明仲遊棲雲閣

溪山步步開圖障山影更隨溪蕩漾回環兩縣烟  
雨奇一目盡奄長橋上乾楓枯柳澹不春權伯為  
解愁城屯書空咄咄亦良苦抵掌嗚嗚聊任真小

房竹陰生晚寂客醉忘歸主忘客沈機已寄謝安  
其逸與何慚阮孚履道人棲雲樂其天孰知為仙  
孰為禪定應風蜩足枯槁絕勝磨蟻爭回旋

同汪正夫行夫望鄱江

夜夢鄱江清曉踏鄱隄縣雲濤著眼新還疑夢中  
見寒聲彭蠡合凍色廬峰現時方冬氣深水縮川  
原變連沙突堆阜冰港分組練蕭蕭蓬鬢風瑟瑟  
葭叢霰竒觀信幽絕領略殊未徧何當烟艇高載  
我行境面二難今勝流客客移清燕飲酣生泰和  
語妙融交戰衰遲百不堪一快天與便回筇晚霽

身山集卷十三  
中路歷滄浪轉波光似留人隨裾蕩華綸

呂居仁惠建昌紙紙

寒聲晚移林殘臘無幾日高人擁楮眠齋卷意自  
適素風含混沌春煦回呼吸餘溫偶見分來自芝  
蘭室乍舒魄流輝忽捲湖無迹未能澡余心愧此  
一衾白嘗聞盱江藤蒼壁走虬屈斬之霜露秋漚  
以滄浪色粉身從澣統蛟骨齊麗室乃知瑩然姿  
故自漸陶出治物猶貴結治心豈宜逸平生感交  
遊耳剽非無得精神隨事分內省殊未力寸陰捐  
已多老矣將何及自從得此衾夢覺常惕惕清如

夷齊鄰粹若淵騫觀獨發鏗錡邪思戢毫忽  
謂絕知聞虛闡百靈集器黼或存戒韋弦亦規失  
則知君子所惠以勸蒙之

任伯顯昨寄詩示不至續以贈瓶為祝

石瀨分攜常慘慘尺書宵至中彌感槁柿不呈媠  
毋面圓壺俄落雄兒膽向窓吾伊不動汲泉養  
花聊任真枝頭造化豈耐久我輩有無窮春

寄恭與汪正夫兼問行夫

絳囊圍宥社邊得持歸質文破枯寂三古本有  
雄黃一引胸次還虛白平生目成惟素書適英能

事知有餘欬然長嘯風裂石黔山方卧小於菟

雲巖竹源二禪俱與招客三月二十一日遂

飯于竹源庵諸野則獲也劉奇仲有約

不至吳周寶游德華劉致中暨公望劉才

仲陳聖叔其命焉從容辯論懷抱甚適因

賦詩以紀之

雲巖市聲中竹源山么一處平生幾兩笈惟樂取意

去晨光霽老春飛蓋爰溪路沙平水漫流雲散天

全露路逶迤紅淺坂窈窕穿崇樹綠登方怒舒紅竟

忽繁雨斯焉得小休兒熟來已屢徵君常主盟呼

吸名勝聚子休心識石太叔語韶漢鼎鼎吳劉陣

俱有不凡度余衰氣不華清遶慚輒與未渠推遠

之政以枵然故九賓既雲集一士乃鴻翥毋多溷

幽人蔬茗煩草具叢談雜莊譎泛閱披黃素豐鑄

辨活筆始畫窮真數解衣半日許萬古回白月膝西

窓引虛明汎灑延晚步嬾身厭依隨靜若超羈馭

博山真起予浮烟一枝鷺

寄茶與曾吉甫

兩焙春風一盞隔玉尺銀槽分細色解苞難辨邑

中黔淪盞方知天下白岸巾小啜橫碧齋真味從

屏山集卷十三  
底傾輸來曩端昇余一語妙三歲暗室驚馬車驟雷

竹源之集奇仲不赴蕭屯以詩嘲之再用元

韻

平生老子與渾寄幽絕處寧嫌一坡遠甘作十歇  
去至今清夢狂時走松陰路心忻自吟哦技癢輒  
披露那知管削微辱報瑤瓊樹胞中萬斛清忽向  
毫端雨援桴未敢再破的已驚屢病身得所便一  
閱神氣聚淇竹秋稜藥洛花春布漢真機不可藏  
文亦肖風度樂哉精廬遊愧我不常與陋鄉豈無  
奇之此追陪故翻然卜鄰心幾逐長風翥但分茅

半簷不假牛十具劉郎箇中人幽期乃愆素由無  
負負言直未委必必數移文太遽生恐未明深膝君  
看旋磨蟻瑣屑安故步何如驥突雲軒豁隨長馭  
集枯豈小歟動者中不驚

屏山集卷十三終

屏山集卷第十四

詩

題大義泉

移筇山未深切骨寒無那蜿蜒瘦蒼虬  
 腳底飛騰過幽亭護石池庭事不敢浣  
 虛中涵月淨冷面從雲呵去欲搥玄壁  
 試恐觸方諸破平生泉石癡屢此箕踞  
 坐重來照清癯白髮添箇箇九心未痛  
 浣老氣日以隋緬懷大義風絕唱寧無  
 和悚然聽琮琤耳觀為之大

同范智聞五月十四日夜賞月

微風淨郊原暮色含清夏層巔月欲上烟烟木葉  
罇豐姿一髮虧爽氣十毫射流光不著地黃抹溪  
西舍翩然釋嶠飛雲浪鱗鱗化常恐螺髻青失此  
驪珠挂腊竒觀天所吝老眼得屢借不嫌神太清  
跣立高梧下故人肯留連一咲偶良夜濁醪勿虛  
杯庭縞醉可藉

向元伯寄藝香陶爐有心清閒妙之語

鄱江細壤如凝脂陶成小爐圓淨姿色合三秋玉  
沉澹韻歷六尺金梭倪明窓澹澹浮薰起故人警  
余良有以心清閒妙遊無方萬石只在吾家傍

石鎮

感白髮

兒時坐澗石散髮如浮烟風驚綠鬢鬢是意欲凌飛  
仙那知二尾見倏忽到老邊蒙紗猶鏗彩獵鬚貫強  
呈鮮星星儻未已遂恐華吾顏騎省歎遇合郎潛  
感迤邐萬古寄一轍長歌悲昔賢流光不假借志  
抱何由宣餘齡事可知已矣寧非天窮通各有  
憔悴孰使然淒其槁梧畔惕若明鏡前靈膏詎能  
涅燻拂事可憐惟應幽室處一猛放萬緣嘗聞衛  
生要心白髮自玄

同吳居安入關善四首

遊松菴

虛廊附山翔泉聲小菴閉齋餘恣行遨剥啄忻屢  
至午陰遇蘭芳夕照坐松吹徜徉無所爲聊盡今  
日意

宿省軒

夜空合一寂擾擾息萬勞幽懷耿不寐孤燈側殘  
膏稍知山雨來聲在橫林高淒然卻成夢夢泛秋  
江濤

過報德菴

循溪踏危石路入篔簹塢森森翠櫺間一幹橫清  
雨茶煙日月靜石壁軒扉古盡茲北山旁小勝無  
遺取

出山

日日冬氣昏霜風不鏤面回輿始見山數點寒中  
現我行得勝友笑語生華絢如何劔峰南咫尺不  
常見

次韻茂元獨速歌

大兒行文學蘇黃暗潮無聲走茫茫小兒分題擬  
甫白手挾蠶頤取冰魄自成機杼誰如君悲歌乃



有可憐色曉來春歸薺葉新青女摧之良不仁那  
知妙齡氣如許一睨辟易驚千人我亦歸為村裏  
翁接花成條歌屋紅跣行肯追蹠躩步杯飲不羨  
琉璃鐘相逢他事不發語醉面徹日承谿風君不  
見豐碑模糊立峴首又不見總帷虛斟百眉俯何  
如吾儕見在身有口猶堪著醇酎陶陶兀兀未全  
非赫赫炎炎豈長有硯峰絕頂撫孤松伊誰及此  
蒼髯壽

張巨山賦蠟梅因成四首

取名慕橫枝要自同風格雖微調鼎味宛有金

色

渾疑蠟作花貌野中抱幽冷香不盈比昔意盡仍一  
流

尖萼破微霜明犀透清嫩不有朱紫繁那知中色  
尊

今日尋此梅危行石澗東花神欲宣令萬鐸懸春  
風

和李似之秉燭觀梅詩

凍色沈萬象晴巔露皚皚通宵月觀夢夢破東風  
來小立值芳氣微尋見寒胚我病亦呼客沙邊久

徘徊恍然驚老眼一枝印清杯應知塵意盡故向  
癯儒開謫仙愛逃禪茲心政難灰覘新不待晨燒  
燭寒巖隈草木有令章發揮要天才賴公管領春  
筆端起潛雷

行夫寄黃山樵子有詩因同來韻

老坡文中哮闕聲凜凜常如對英詩琅然諷詠興  
凌雲瞠若追攀顙流泚玉山妙唱久寂寥可與言  
詩有之子栽歲遠餉風露新坐我千尺黃山底初  
接玄殼出冰霜小嚼清香泛窓几已輕魏帝昵蒲  
桃肯許唐賢魁綠李極知人口無正味苦淡甘酸

各矜美不輕真識為品題此物初筵幾不齒青菁  
有用後蒿菜白粲無耐腐糠粃士懷瓌瑋勿自神  
邂逅飛沈同一理子才超矣會曄然外澤中真期  
是以味果固已驅煩邪味道更須淪骨髓

劉道祖江程萬立順甫講易孟子拾其意為

二十韻

吾初讀七篇未領躍如義晚而窺大易稍解寂然  
意乃知平放著的目前事盡心則無餘窮神忽  
超詣以斯印群書拈出句句是君臣父子間運量  
周旋際體之則光明雜物了無累偉哉此陳編孔

孟心所寄有如撞洪鍾合響入迢遞言高聽者聵  
不絕僅如綴章茲良文集一發萬古祕真長富辭  
原百折無留勢文通秉文均裁度取中制宛立坐  
忘言袖手豈深閉鄙懷頊為空快若掃長筭旁觀  
二三子耳剽咸愕眙誘之循循然活處鱗鱗地氣  
質雖有拘學問欲如蛇時乎不再來過此恐少味  
大書鏡坐隅以起衰惰氣

韓幹畫馬闕四足龍眠榻而全之

吾聞兩臂天下重馬失四蹄將底用平生想似  
星近對此惟心惻然動得非曾落驚駘群踈脫泥

塗良已勤又疑逸氣厭拘係絕蹕徑欲超浮雲  
觀事乃不爾劇破練丹青老無色軒昂自有尊足  
存顧軀一抃陰山碧韓生筆法妙此圖龍眠榻出  
了不殊斷鼇自昔徒聞說續鳧雖工計已踈何如  
染作滄江遠明滅要看追風蹴微雲

次明仲石字韻詩

類宮德厚仍信石北扉筆力談咲扛重圭疊壁凜  
群視不使東甌成陋邦日邊時見召仙李林下那  
容棲老龐故園此日成勝聚歸夢不泛瀟湘江萬  
畦流泉裏雲屋一點遠岫低吟窓客來有酒輒均

醉長嘯手拊高梧。幢旒疏唯便玉本。脆碎鯉屢惜  
銀鋌雙伊予。於世真長物。掃迹自分逃。空坑驟掄  
揚之則過矣。豈有骨相當。竒龐左提右挈。儻聞道  
了快若船下龍。極知魯衛兄弟國。邾小尚許趨  
風降。堯堯爰爰正壁立。濤瀨未敢輕春撞。

寄致明兼簡余時雅

箕箒當有利材。要自為本觀。緜虬挾春怒。穴土氣已  
完。達士審所施。窮士審所安。癯劉燭人鏡。偽態了  
莫于常吹。嗟二余傳以摩雲翰。大余攜書來一見。  
意已殫。似為殊勝。搖胸中。哀濤瀾。皴膚襍厚。襲汚

腹於衆。殘那知藝圃遊。宇宙自爾寬。黃間跳錐鼻  
省括眼。要端幸公調護之。無使困所難。我鷲峰橫几  
上。晚翠深作寒。徜徉有真樂。未應悔儒冠。

次韻明仲畦字詩

祝融散仙在西溪。平生無町畦。一日不見十

日恨。綠稻渺渺吞幽。細紅時澆壘塊。胸跣行咲

逆冷然。風意消萬事。如燎髮小醉。扶頭須半月。叩  
梧林谷為呼號。隱几乾坤有超越。自憐頑鈍不可  
鞭撻之。欲置名流邊。長言為我深。社暑灑日萬綫

琮琤懸

入白水懷士特温其

曉山隨意開夏氣含露澄扶筇過巖嶮飛仙亦凌  
兢松濤淨可漱嵐煙起如蒸巨嶂轉昂昂危厓上  
層層悠然瞻眺地髮髻記昔曾是鄉雖窮深泥泥  
秀色凝高扉靜相對招邀足嘉朋讌席覆大斗吟  
窓燁華燈于今安在哉骨冷喚不應軒軒鸞鳳遊  
敬馬蹶失飛騰豈伊黃壤恨與言鯁煩膺含章不震  
輝憔悴非所應雖微三字顯要許一豪稱余衰怠  
好脩故態了不懲條爾念離索終焉愧瓌能噫嘻  
反風來躄躄素蟾升及時痛自策迅彩不可憑

胡明仲潭溪三日飲

潭谿梧竹堆無地浮高蔭暑中猶未佳袒膊腑清  
深急雨翳幽芬空山落啼鴉村醪得舊燒時果出  
寒沈醺然三日醉是鄉絕呵禁巖風故吹醒偷逸  
嫌太甚人生唯一真擾擾萬緣滲斯遊不屢尋老  
境恐遂寔窺樽有餘波捫腹猶可飲澹蟾如曉色  
渺渺長空浸常真景過清淨雲忽飛諧酣歌金石  
號慷慨君獨任俾予酬對之祇作寒蟬禁吾惟善  
台臺忘形卧相枕

有懷

溪石磊磊出溪光  
失溶溶呼童理新堰  
小駐萬折東素杖  
競駢立蒼皮堆已重  
誰裁一道天忽墮  
顧眄中遠深送鳧  
鷺餘茲上杉松微波  
且勿搖照我澹有容  
炎曦為變色爽氣排  
高空懷哉所親愛此  
適未遽同徜徉孰為  
伴惟有溪頭風時來  
翻素書頗似驚我慵  
騷騷復策策涉獵味  
正濃久而寂無聲無  
乃意自融卻泛碧滄  
浪鱗鱗散遺蹤我亦  
隱几酣那能辨雌雄

早飲

柴涿百枝陰方塘高梧老柳著  
兩行輕烟曳組

寒碧芙蓉釀出秋風香宿醒  
紫脰殊未快衝之欲引天潢  
派戲投小餌向深淵錦鱗忽  
見空中挂芻清鱠雪更作豪  
坐客狼狽已半逃嗚嗚叢歌  
猶未徹兀睡聽作蜩蟬號

次致明泉石軒詩韻

天懷迥與塵躡背蓬萊屢踏  
金鼇背閑披白袷過清湖爽  
氣涵空渺無外澹然愛此一  
泓竒散髮逍遙漱華滋尚嫌  
林影太凋薄斜陽射破碧琉  
璃遙知宣室虛前席良裘固  
非一狐腋他時歸夢想南  
飛瓌詞已為磨崖石

借致明王植事藥復以小者易去因而銘之  
潤色瑳癯身攢飛石塵供藥裏以小代大無不可  
汝雖眇乎寔磊砢摩頂至踵輔衰我彼方歸卧留  
莫果魁梧之才用則左嘯然長嘆口侈哆

寄魏元履

世情事虛文十幅了一書片言倒肺腑子獨不佞  
子班班眼中秀學膽誰似渠平生幾兩屨踏破牛  
斗墟小言謁侯門大言叫天都歸來闕存室默坐  
追亡適牀頭著韋編盤礴萬古初時拈紙上語破  
的妙有餘已甘耐對難舌本噤不舒矧予在半流

所見方模糊蠅涎不自潤詎敢相露濡人生強多  
知於已固已踈睫邊遺太極意上町六虛獰猿繫  
尚跳况乃拊檻呼是神非吾神滓穢政可奴嘗聞  
不遠復佩作三字符煌煌杏壇春一枝明清湖蜂  
蝶未全知佳處自不孤惟予先著眼時來採芳腴  
何當共叩微歸性有順塗

新涼

新涼為招客勝集非預圖前峰雨未散冷風遠吾  
廬披襟沐清駛合席隨霑濡定知喧譁中欲此一  
快無興來擴以酒草具來須臾田翁偶過我添杯

坐其偶為言秋暑劇稻畦日凋踈寧辭抱甕勞僅  
給園中蔬喜茲甘澍足普潤無遺墟遙山莽難分  
綠浪搖虛徐我病不任耕歲收仰微租蒙成每自  
愧一飽便有餘連觴使之醺醉語雜叫呼野人無  
他腸我輩恐不如

吳傳朋遊絲帖歌

園清無瑕二三月時見遊絲轉空闊誰人寫此一  
段奇著紙春風吹不脫紛紛糾結疑非書安得龍  
蛇如許癯神蹤政喜縈不斷老眼只愁看若無定  
知苗裔出飛白古人妙處君潛得勿輕漠漠一

浮力道可墨千鈞石曉予弟兄情不忘軸之遠寄  
悠然堂謝公遺髯凜若活衛后落鬢搖人光翻思  
長安夜飛蓋醉哦聲落南山外亂離契濶三十秋  
筆意與人俱老大政成著腳明河津外家風流今  
絕倫文章固自有機杼戲事豈足勞心神傳明王  
逢原外甥也

次友石臺詩韻

清湖嵇玉山縹緲飛雙屐冷風隨處流三伏無赫  
赫未成玄圃遊聊醉端州宅憶昨陪初筵杯搖劍  
峰脊杉篁漏疎櫺雲氣縈長帶主人意彌厚不吝



園蔬摘我亦洞幽懷涸此一泓碧至歡召融融叢  
慮消刺刺聽君誦九流浩若崑崙擘摩天俊鳶飛  
響澗鱗魚擲分攜今幾時浮埃翳瑤席有如爛柯  
翁萬古逢一奕醉鄉撈磴坐坐覺乾坤窄茲行不  
果從兀兀恨滋劇未應柳源近終作桃源隔留詩  
石臺光動嶙峋令正石謫仙來著語無以易強  
追風了無迹

胡明仲羅養蒙為悠然集追用

筠州喜陪咲語新鑿坡自来清湖濱更招明月作  
三客此外正復難其人瑤觴十飛才小醉追逐牢

愁出肝肺吾儕遊逅非作豪常恐真歡來不繼更  
闌已番四疊歌卻喚輕舟浮綺羅一聲橫笛不知  
處荷氣苒苒風頭多玉山未倒誰之耻霜露沾衣  
聊且已維舟落月界平潭翠亂紅披扶不起

十七日集清湖

石堤蟠素虬捍此百尺灣臨灣喚客飲四座搖潺  
爓殘敲紅蕩析凜若超塵寰卻愁涼吹多奪我酣  
醉顏時方雨聲斷草木淒餘替潤氣騰晚水浮嵐  
撲秋山領略得妙趣心遊勝躋攀那知百年憂共  
樂此日閑篝燈夜分歸危膝轉彎環芊芊稻苗風

縹亂不可刪不礙一月流水丸走其間慙慙傍扶  
輿宛若送我還

曉起聞明仲謁家叔嘗過門追已無及繼續讀

觀霧長句因次元韻

公才凜若干將鑄膽落詩流失輕倨弄毫邂逅即  
揮竒造化玄機悉披露凌晨訪客忽飛筇雙澗徐  
穿碧交互咲聲只在竹林東夢破急追無復處是  
時秋霧正涵空潤氣一解驕陽怒霏霏半掩景賢  
峰翳翳全沒屯中樹初疑爭先摩玉壘驚鹿瀟瀟  
葉乾渡又如懷渴望梅林細雨濛濛江左路煩公

一吐胸中豪與此氣氣用  
終以班班作身誤何如雪務隱長暗然豈用毛采奈  
天嫖霑濡稻壟更潛珠聯絡松崗尚橫素南箕忽  
哆遂雄吞顧軀况若南柯寤向來昧昧六合間日  
月山河但如故世緣所遇孰非虛不具真眼那能  
覩醯雞蠶裏有全癡陷虎機中惟一悟我雖不獲  
從斯遊兀坐深觀亦同趣况知陶令有名酒未覺  
許詢無勝具便思追逐胡公墩恐激長言又生怖  
願低筆力許我陪韓孟才懸亦聯句

觀胡文定公手墨因求別本

温温文定公至道夙所欽神超雖緬邈餘英壯儒  
林正容閱真翰默默流至音不事八法奇天成寫  
幽襟有如瀚海鴻隨波自浮沈又如太虛雲舒卷  
杳莫尋乃知晉魏還筆端有哇淫弃藁競韜藏非  
將玩球琳庶幾字畫間可以求其心清伊一派流  
匯作萬丈深溝渠有暴盈洩忽時見侵投膠了不  
難公以獨力任我慚步趨晚悠然寄孤吟流風在  
目前著鞭要駸駸願分墨本餘刻之蒼崖陰大塊  
有動搖斯文無古今

公帖云世間一切如流水海雲所過者不一足留胸中

寒中偶書

寒從何處來凜色照閩楚挹之重和松下清澹不成  
雨豪生小病之一咲窺窠宇天轉隱江湖吾心正  
如許

病中追賦遊武夷

建水日夜淺清灘自迢迢漁舸愕已無忽點淨練  
遙老身寄其上兀若樓危若於風知我狂隨舷助  
傾搖探幽神益新得快意自沙汀長林翠洞口微雲  
粉山腰那知碧虛遠一葦卧可超不須換吾骸吾  
慵登岩堯病中追餘觀所得絕富饒換  
病中賞梅贈元晦老友

梅邊無與談，賴有之子至。荒寒一點香，足以酬天地。天地亦無心，受之自人意。韜白任新和，風味要如此。

次韻致明聽琴

病中

病翁不吐吐琅然，寄枯琴。向無枯琴寄，孰表吾之心形。忘豈知病道在寧復，今龍蟠老樟下，甯發搖長音。

過鄴中

逐鹿營營一夢驚，事隨流水去無聲。黃沙日傍荒臺落，綠樹人穿廢苑行。遺恨分香憐晚節，勝遊飛

明  
蓋想高一作情我來不暇論興廢，一點西山入眼

屏山集卷第十五

詩

金陵懷古

荒城莽莽蔽荆榛  
虎踞龍蟠迹已陳  
赤壁戰爭江照晚  
青樓歌舞鳥鳴春  
十年王氣雄圖盡  
一壘寒笳客恨新  
折衮風沉猶可想  
只爲高卧豈無人

會兵

羽檄西來趣會兵  
秋風胡虜更縱橫  
烽明石嶺塞垣迥  
馬渡分河波浪生  
使者謾傳蘇武節  
君王頻幸亞夫營  
百年信誓明如日  
何事紛紛起戰爭

平亞別安子允

得酒猶堪慰倦遊長亭直為故  
猶關風雨一年春又休尚記虎  
臂未封侯離歌唱落榆關一作城

八留煙塵幾處兵  
只初擲筆終憐猿  
几可是君心耐得

望楚

客浦舟疑滯凭高識楚鄉有愁  
關眺覽何地不凄  
涼草木詞人怨江山霸主亡  
悠然獨搔首暮靄一  
星光

井泉

石井水澌澌寒莎映碧蘚  
雨聲添溜急天影入波  
圓曉汲連山寺春耕潤野田  
杖藜三噓罷毛髮更  
蕭然

巖桂

涼颼振遠村寂寞度清芬  
山路不知處月窓時夜  
聞孤根寒抱石落子半飄雲  
袖手空延佇無才可  
賦君

園蔬十詠

茭白

秋風吹折碧削玉如芳根  
應傍鷺池發中懷灑墨

痕

芋

分得蹲鴟種連根占地腴曉吹黏玉糝深碗啖模

糊

菲

肉食嘲三九終憐氣韻清一畦春雨足翠髮翦還

生

瓠

溉釜熟輪囷香清味仍美一線解瓊瑤中有家人

齒

芥

葉實抱芳辛氣烈消煩滯登俎效微勞乍食驚頻

曠

菘

周郎愛晚菘對客蒙稱賞今晨喜薦新小嚼冰霜

響

波蕨

金鏃因形製臨畦發永嘆時危思擷佩楚客莫紉

蘭

子薑

新芽肌理膩映日淨如空恰似勻妝指柔尖帶淺  
紅

蘿蔔

密壤深根蒂風霜已飽經如何純白質近蒂染微  
青

苦益

雖無適口味暖益功稀比菜苦不登盤言中多逆  
耳

次韻盧贊元喜雪

六花初逐曉風繁五袴那憂歲晚寒杖履客迷村

徑遠笙歌人在小樓看也知近郭祇將動只恐行  
春路未乾投簡梁園休惜醉銀臺列燭妓圍寬

府會次士特韻

夜宴芙蓉苑華燭影光史君頻會客侍女慣新  
妝劇飲不勝醉論詩非所長倚欄霄漢近宮殿鬱  
相望

次韻士特贈別

客舍愁分袂梅花小雪前夜看牛渚月春別剡溪  
船麗句先行色悲歌慘別筵後期相約處雙闕五  
雲天



訪士特舉和六四叔詩因次韻

聞道歸舟泊淺沙  
籃輿出郭日初斜  
新傳賦詠來梁苑  
舊識芝蘭向謝家  
遣興只憑樽有酒  
感時愁見樹飛花  
相逢未款還相別  
回首長亭鬢欲華

分韻賦古松得青字

風韻颼颼遠更清  
蒼髯瘦甲聳亭亭  
連根欲鬪巖巖  
巒力一蓋常涵雨露青  
曾映月明留鶴宿  
近經雷霹帶龍腥  
衰殘愧我無仙骨  
願採流骨慰暮齡

春六言二首

鼎食昂烹謀拙  
山南山北興長  
片夢彭殤壽大

杯漢楚興亡

黃卷篋中昆友  
白醪杯裏聖賢  
我頭長閑足矣  
人憐獨處蕭然

池蓮四詠分韻

葉

郁烈香浮雨團  
纒綠蔭波近堤  
千葉亂知有畫  
船過

花

孤紅低映岸併  
豔遠連汀露浥  
層層展風披葉  
葉

零

藕

密蘊羅文細明含玉色清冰盤時薦美刀惹斷絲  
輕

子

分房圓戩戩弄色翠娟娟摘實憐空酌方知雨露  
偏

雨歇

雨歇長虹淡欲收踈踈寒靄暮依樓西風滿院催  
搖落已覺梧桐不耐秋

新灣

莽莽寒生水面煙吳歌唱罷月微偏停橈又向灣  
前宿一夜西風浪打船

汴堤

參差歌吹動離舟宮女張帆信浪流轉盡柳堤三  
百曲夜橋燈火看揚州

天迥

天迥孤帆隱約歸茫茫殘照欲沈西寒鷗散亂知  
多少飛向江頭一樹棲

葉集之舉士特唱和因次韻

漂泊分攜後  
躑難會面時  
夜燈初獻酒  
春草舊題詩  
游宦君雖厭  
才名衆所期  
不應如倦翼  
寂寞戀南枝

銅爵

金碧銷磨瓦面星  
亂山依舊透宮城  
路人休唱一臺曲  
臺上而今春草生

中渡

渡南渡北是長亭  
沙上行人立馬情  
回首若無煙樹隔  
只應猶望見高城

江上

江上潮來浪薄天  
隔江寒樹晚生煙  
北風三日無人渡  
寂寞沙頭一簇船

送曾彥思城罷赴闕

馬首成南渡  
西風木葉疎  
去程煙雨外  
孤館別離初  
未試平戎策  
空懷逐客書  
漢皇方問賦  
誰復薦相如

過楚懷王廟

割據銷殘運并吞  
息戰塵遺民猶憫楚  
三戶欲亡秦  
念昔懷王立潛圖  
霸業新降顏  
欣接士薄伐  
屢窺鄰慷慨心  
何壯躑難勢  
未伸干戈憐  
暴骨玉帛

更和親末路人多詐輕謀禍及身單車行凜慄伏  
甲變凌巡鹿走章臺下龍沈渭水濱素棺歸慘淡  
故老恨酸辛歲月今何在興亡迹已陳愁陰生古  
廟翠蔓鎖重闈有客投清醑臨江憶放臣聽諛雖  
主惑多難亦時屯憤氣摩星斗哀詞動鬼神飄零  
瓊玉佩寂寞蕙蘭春毀譽千年定窮通一死均招  
魂嗟已矣抱石想漂淪戀上空回首行行欲問津  
潸然憂國淚今古獨醒人

雙廟

無復連雲戰鼓悲英風凜凜在雙祠氣吞驕虜方

張日恨滿孤城欲破時幽鳥自啼簷際樹夕陽空  
照路傍碑平生不作脂韋意倚棹哀吟兩鬢絲

一樹

一樹梅開早清香襲客衣夕陽蕭鼓散半是折殘  
枝

偶步

偶步忘歸遠心閑逸興增山深知有寺路盡不逢  
僧

離居

馬嘶何隴暮有意念離居去路經秋雨行裝一擔

書窮知身計拙病覺世緣疎曉枕殘歸夢翻然憶  
舊廬

有感

抱石親征澤潞時艱難猶想舊開基官軍不守河  
陽渡回首橋山淚欲垂

程嬰墓

停車莽蒼認孤墳烈烈英標尚想存已脫遺孤安  
趙氏更輕一死報公孫荒林雀噪風常急古道人  
稀日自昏惆悵九原如可作欲憑楚些為招魂

晚宿

石瀨分流小霜林間樹紅暮橋橫隱約寒銀響

東

畫船

隱約菱歌斷斜陽水面移美人貪照影不覺畫船  
歌

宮亭湖

近湖黯黯氣常寒指點宮亭渺莽間素色夜浮全  
楚月絲光春浸十州山醉思天末騎鯨去老怯風  
頭聽鴈還柔櫓聲中知禹烈愧無椽筆畫孱顏

安仁道中

汨汨復汨汨著鞭雞一號老身緣底急長路只徒  
勞石亂春谿惡山深曉月高村沽得微醉猶足張  
餘豪

醱醱

顛風急雨退花晨翠葉銀苞照眼新高架攀緣雖  
得地長條盤屈揔由人橫釵素朶開猶小撲酒餘  
香韻絕倫唯有金沙顏色好年年相伴發殘春

夜坐

客裏敬馬秋晚慵眠但曲肱夜闌深院雨人過隔墻  
燈遠思丰端惡寒威一倍增夢孤渾易破哀

登登

靖康政元四十韻

肉食開邊釁天驕負漢恩陰謀招叛將喋血犯中  
原飲馬江河竭鳴笳宇宙喧氛埃纏帝座禦偷吠  
宮垣鼓銳梯飛壁營強夫及門黔黎驚瓦解冠蓋  
盡星奔走轍秦城地浮航楚峽村畫堂空鎖鑰樂  
府散嬋媛夜詔聞傳璽春王記政元三辰光盡匿  
四海浪橫翻伏閣惟群彥興邦在一言雉城期必  
守虎旅更增屯龍困雖憂蟻牛羸尚覆豚謀成擒  
頡利義可絕烏孫堅壁師弥老窮兵火自燔鈞魚

猶假息幕燕暫游魂懇款情先露誅鉏黨定繁橫  
磨非嗜殺下策且和番割地煩專使要盟為至尊  
賜弓垂拱殿留宴玉津園回騎桑乾北游軍廣武  
源驅馳無立草剖斲露空墳太子悲秦粟明妃泣  
漢軒敵情終未測鄰好又宜敦晉趙封疆遠金湯  
阻固存短衣求李廣長嘯得劉琨御極朝儀盛臚  
傳詔語溫神霄分別仗法駕引雙轅內柳東風軟  
宮花麗日暄問閭多喜氣簫鼓送芳樽運契天同  
力時危禍有根覆車宜自成曲突更深論落拓江  
南士飄零塞北藩蚤嘗專翰墨晚厭屬橐鞬拔劍

摩壘懷書擬叩閭蹉跎謀不遂感激氣潛吞野  
迥寒烽照樓高暮雨氏望鄉心恍惆憂國涕潺湲  
仄席勤諮訪垂紳樂引援鶴鸞方競集短翼待騰  
騫

春雨

暝色春朝雨滋榮喜及時雲昏遙莫辨地渴久方  
知柳岸游車歇濤江釣舸移拒寒須把酒病骨况  
支離

瀑布

路窮巖瀑挂爽氣淨塵紛溜險時依壁源高半隔

雲入池驚練盡觸石聽雷分接勝多  
人侶筇聲破  
蘇紋

海棠花

幽姿淑態弄春晴  
梅借風流柳借輕  
種直教圍野水  
半開長是近清明  
幾經夜雨香猶在  
染盡烟脂畫不成  
詩老無心為題拂  
至今惆悵似含情

策杖

策杖農家去蕭條絕四鄰  
空田依隴峻斷藁布窠  
勻地薄惟供稔千豐  
尚苦貧平生飽官粟愧余力  
耕人

送杜季直四首

結廬空谷抱沈憂  
底事軒車肯為留  
千里間塗良獨苦  
似君須向古人求

聞道華亭已解圍  
親朋消息未全知  
君歸為遣書來報  
細說從初喪亂時

寂寂家園草覆堦  
亂兵飛箭入樓臺  
丁寧莫斫湖邊柳  
盡是劉郎手自栽

槿落難堪更語離  
曉風吹月上征衣  
送君直到長亭去  
隻影愁心尋舊路  
歸

劉處士墳山禮亭



風馬雲車悵莫尋祠亭空鎖古原陰豆觴三獻禮  
經事霜露四時人子心世盡浮雲同渺渺名高拱  
木共森森平生積善身徒老賴有家兒敵萬金

### 喜誅大將

自提烏合衆南北久跳梁避事幾危國專權擬僭  
王然臍誅未快擢髮罪難詳膏血汗砧斧何魯一作如  
江戰場

### 疊嶂

益遣婦心快愁霖喜乍晴樹陰迎馬合波影照人  
清不見雲山路時聞樵斧聲暮雲偏有意相伴

淡行

### 梅花

玉骨綃裳韻太孤天教飛雪伴清癯林寒踈葉  
開落野迥暗香疑有無瘦嶺風光仍似舊漢宮鏡  
粉莫相汗驚心不必臨空樹一白流空春便徂一作

詩情向汝知難妙  
準擬相耐但酒壺

### 和李巽伯

浦樹冥茫茫雲山淺淡中客愁生遠望春意入晴  
空酒憶相如病途憐阮籍窮慙慙桃葉句欲和愧  
難工

野步

野步忘歸遠春心不自休管弦非老伴風雨定花  
離柳暗深深路溪窄小小樓謝娘歌白紵此意可  
忘憂

李伯時畫十古圖鄭尚明作詩詩辭多振絕  
因為同賦

王猛捫虱

劇談世事灞河濱奇骨稟姿兩絕倫卻訝秦無豪  
傑至坐中捫虱定何人

高陽長揖

林二女執巾裾長揖高陽舊酒徒不是蒼皇能  
輒洗溺冠何異昔坑儒

霍光取璽

此郎守節固堪論漢璽飄飄亦僅存周勃取將迎  
代郎霍光持去授皇孫

馮媛當熊

婕妤下輦辭榮日馮媛當熊效死時帶礪稱忠惟  
一傳宮闈著節有雙姬

李密逐太宗

海內群雄逐鹿時虬髯一見識英姿牖窺已嘆尚

書婦野拜仍驚柱國兒

明妃出塞

羞貌丹青鬪麗顏為君一咲靜天山西京自有麒麟閣畫向功臣衛霍間

張釋之諫文帝

擾擾椎埋偏九原因山獨有霍陵存孝文儉德雖天縱亦賴忠臣效一言

醉山簡

倒載山公豈酒狂群兒拍手峴山旁汗青等是耳不把雲臺喚酒鄉

武帝問日磾

漢朝人物盡英奇武帝招延盛一時拒諫不能容汲直託孤何至用胡兒

明皇覽鏡妃子翦髮

不復青銅照瘁顏耄荒從諫若移山只將女子論賢否陶母當時亦翦髮

送原仲之荆南

風急塵埃滿漢關送君行處路漫漫不知爭戰幾時定常恐別離相見難三徑舊遊松竹老五湖新隱水雲寬交朋日覺知音少綠綺從今莫浪彈

和士特南浦詩

羽檄分兵控上流時傳烽火過鄰州樓船半渡旌  
旗曉胡馬欲來江漢秋泥水投鞭真浪語幄中借  
箸有奇謀吾儒雅有康時意不把詩輕萬戶侯

屏山集卷之十五終

屏山集卷第十六

詩

景陽鐘二首

景陽鐘動曉寒清度柳穿花隱隱聲二十六宮梳  
洗罷却吹殘燭待天明  
一刀殘月淡觚稜遙望林梢曉色升寂寞小簾風  
露冷玉盆暗水已生涼

春夜二首

葉葉風鳴幕稍稍雨打窓烟銷寒寶鴨膏淺側銀  
缸

樓迥星河轉宵殘鼓角催重門和月鎖寒夢遶花  
面

賦雙溪閣用蔡君謨詩聲字韻

雄觀今古快幽情突兀層樓出市甍二水交流何  
處盡孤舟不見山橫丹鑪寂寞仙遊遠劍氣蕭  
條客恨盈向晚移樽話流落可堪時聽鼓鼙聲

泊舟

莽莽荒茨岸回回亂石灘雨寒收市早風急泊舟  
難寓縣兵猶鬪乾坤網正寬慙慙囑龍劍莫又

波瀾

盡劍潭贈李似表

夜窓把酒對我鳥峰分手悠悠各轉蓬艤棹相逢煙  
浪際有家皆在亂離中胡兒久占清河地壯士誰  
收赤壁功它日着鞭先後耳飄零不用嘆途窮  
舟中寄似表

溪流元自急積雨更兼旬曲渚方移棹高城忽背  
人艱難爭避地去住不由身客食憐詩李相期一  
問津

次韻張守同往華嚴

淺水荷花開傍橋晚鐘樓殿碧山椒林松遶路行

不徹野鳥避人飛更遙喜有高情共丘壑應須長  
嘯混漁樵老僧好事能延客未覺山房苦寂寥

出郭詩呈張守

出郭藍輿載酒隨林邊蕭寺趣幽期雲依石度遙  
看夕路遠田分欲去疑落日悲風滄海外黃花翠  
竹晚秋時憑詩一寫登臨勝為報壺山太守知

次韻張守壺山詩

松根繫馬望噴吮乘興攀躋不作難日出漸看林  
霽散潮來先覺海風寒遙連釣石多紅樹半出僧  
垣盡綠竿不見雙旌來裊旒憶君對酒豈能歡

次韻方學士萬卷樓

淵然推量德為循酷愛收書定可人劉向討論稱  
好古退之學問美藏身箕裘有子能傳業俎豆于  
今嘆不辰我亦平生譏傳癖可憐朱墨費精神

次韻吳教授題子應山齋

芒鞋竹杖日隨身所向逍遙樂任真強健桂冠非  
矯俗榮華得路轉迷人愛山兀兀常心醉與世悠  
悠只貌親最晚論交欣得子一樽猶足慰漂淪

張守唱和紅字韻詩八首

午枕回清夢疎林迢遠風茶甌煮葉白果釘剝方

紅小壘常稀訟鄰邦近息戎民謠知善政欣助亦  
何功

一卮那惜醉引劒坐生風怒髮冠衝綠憂顏鏡損  
紅莫輕秦黷武舊恥漢和戎慷慨今賢守燕然擬  
勒功

漂流今海角胡騎忽秋生舊隱懷空翠征途厭軟  
紅時平猶倦仕力小况從戎欲遣愁城破須論酒  
子功

燦爛燕公筆飄然邁祖風高吟時舉白戲語或題  
紅訝敏文翻水誇嚴律比戎詩壇如第將蘇李謝

前功

海堂後蕭索杯盤樂土風郡樓山向北村塢樹青

紅玉塵啜夷甫牙籌陋阿戎王侯真夢耳穴蟻更  
論功

微吟時擁鼻瀟洒晉人風客至添樽綠官閑省印  
紅易徂嗟歲月迭盛嘆華戎願草浯溪頌中興且  
暮功

斷虹明晚并烟靄半隨風岸柳霜收綠庭榴日負  
紅酒酣腸有海棊戰手興戎賡唱逢勅敵方知此  
興功

濟難資長策常懷國士風秦強因將白魯弱更蒐  
紅嘆已懷孤憤憂時詠小戎儒冠須勿溺邂逅亦  
成功

次韻張守述懷

避地漂流更海隅一身難料豈知餘晚樓獨上非  
吾里幾日西來絕羽書虜未息兵由運數力難康  
世昧孤虜郡侯愷悌憂民切魯史無因諷失魚

同張守謁蔡子強觀硯論琴偶書

共造中郎室明窓玩好奇硯珍鐫子石琴古斲孫  
枝篆鼎飄香遠茶甌轉味遲自漸塵土累清話得

初時

次韻林吉甫遊天宮

聞說星郎隱翠峰鷓鷯回首大明宮倦游壯歲拋  
朝紱歸夢清江憶釣筒賢聖相期黃卷裏是非都  
付濁醪中更聞蓮社多幽侶我欲時來問苦空

莫田

打麥蓬蓬響莫田兒童拾穗咲爭先市頭米價新  
來減一醉毫甌五六錢

石磨

盤石輪囷隱澗幽煙籠月照幾經秋可憐琢作團



團磨終日隨人轉不休

寒澗

林間幽鳥啄枯槎落盡寒潮一澗沙  
獨木橋西游子宿酒旗斜日兩三家

秋望

輝輝江日已沉西隱約餘紅泛渺瀰  
却上松岡望秋色偶逢僧話立多時

兩山

渡南渡北兩山遙隔岸行人手可招  
日暮海門煙雨黑一川舟楫趁歸潮

游儵

禹鑿天門浪渺茫游儵也解化龍翔  
風雲得路頭角歲旱爭尋窟穴藏

和徐從道韻二首

高軒遙肯顧掃室慣逢迎酒喜頻中聖  
官慙四至卿憂時論曲突感物詠長檠  
古道難開口微君孰與君

拂袖歸來日柴門稚子迎貧甘守藜藿  
名不愧公卿寶劔空藏匣良弔惜解檠  
中興誰草詔君盍在承明

蔡子強挽章

擢秀詞林少也奇  
星軺榮耀更分麾  
世傳清德名方盛  
生不長年理可疑  
蘇晉逃禪心淡泊  
孔融好客酒淋漓  
眼看玉樹埋塵土  
零落交遊我獨悲

聞笛

倚樓何處笛飛聲  
徹雲霄曲怨吹難盡  
風回聽忽遙戍兵  
臨絕漠閨婦起寒宵  
一弄梅飛雪華年鬢  
亦凋

投壺

暇日賓朋集投壺  
雅戲同傍觀驚妙手  
一失感前

功禮盛周垂憲詞  
李晉起戎區區論勝負  
轉眼事還空

思賢堂懷薛令

創始人何在空堂  
草棘侵衝門孤窻  
急冗社蠹藏深羽化  
王喬鳥塵昏子賤  
琴獨嗟民困甚誰繼  
昔賢心

燒

惹草焚焚焰隨風  
烈烈聲欲臨橫澗  
斷忽上晚風明蹇  
踔無潛迹蒙茸有  
怒生尚餘飛燼煖  
培耔及春耕

春潮

江晚潮風應蕭蕭百里秋寒聲初戰峽怒力暗移

洲卷一作岸舟航盡涵空日月浮吳兒輕逐利亡

命雪山頭

賀洛陽橋

跨海飛梁疊石成曉風十里度瑤瓊雄如建業虎

城峙勢若常山蛇陳橫脚底波濤時洶湧望中煙

嶼晚分明往來利涉歌遺愛誰復題橋繼長卿

途中

小市猶依海橫橋欲跨汀雨餘榕徑冷春晚帶田

青薄官低暮氣浮生惜壯齡急流歸亦好憂患飽

曾經

次張守韻四首

又分閩郡竹屢賜漢庭金才刃斲新發恩波海並

深寇銷乘間禍民有不欺心祇恐鋒車起雲霄路

莫尋

促席山堂夜寒燈吐碎金酒分鄰甕美栗爆地爐

深踈嬾難堪事紛華易壞心自憐貪寸祿雙鬢老

侵尋

瓦白霜封鷓波清月漾金柝沈秋壘靜人語夜堂

深故國歸何日寒衾事滿心庭松憐手值擢幹已  
彌尋

泣懷三獻玉廉拒四知金勢利焚和猛詩書汲古  
深貴無長得意閑有自由心响屨丹砂在盟寒儻  
可尋

同李漢老登高齋

飛梯百級轉層巒政喜登臨著眼寬海上波濤連  
閨苑日邊塵土暗長安亂來世事終無定春盡羈  
愁豈一端賴有謫仙能喜客時陪杖履得雄觀

過舟峰菴

杖策到舟峰開軒對綠叢  
心清似水客聲亂如蓬  
鼓角譙門日鷺花上已風  
逢人相借問何地隱  
龐翁

悼李奉

選拔由親衛時危遠出征氣  
晚嘗忽敵身歿始知名  
故妾辭空帳殘兵隸別營  
傷心豺虎窟冒險爾  
何輕

聞韓侯至

今代淮陰將宣威瘴海東  
夜管兵氣黑寒磧戰聲  
雄有寇常親討無官可賞功  
心然沈鷲貌識汝未

侯中

次韻張守梅詩

破雪梅初動南枝更比枝傍堆  
應折盡背日較開  
遲曉角驚殘無多春愁占兩眉狂  
風將落葉故入畫  
樓吹

次韻陳成季郡會

疾雨狂風恨若何芳晨坐覺等閒過  
惜花意欲春  
長在對酒年來飲不多雅會欣明  
珠履集新詞好  
付雪兒歌風流閣老推前輩喜  
各溫顏似醉醞

古松

手值知何代縱橫萬蓋齊韻清  
今易寫榦直鳥難  
栖慘淡連雲塢鬢鬢曾陰石谿刻  
明雖小用曾照路  
人迷

出郊

路轉囊山北快思憶舊過乾坤  
征戰久遊宦別離  
多瘴樹餘紅葉春江又綠波平  
生豪橫氣未老半  
消磨

偶書

風急胡塵暗九州岸巾長嘯  
登樓故園卻憶桐  
孫在薄宦端為荔子留胡海  
南兵尚鬪犬戎不

死禍難休似聞推較比日飛將去更有清談謝傳流

送惠州史君范智聞

喜聽清談滿座傾不堪行色且雙旌長亭把酒分  
攜易暮角催人太瘦生地遠且臣知妙選時危壯  
士耻南征羅浮說與潮陽近且擬離騷弟二英

柳

體為常輕定復飄間奔遮杏且春鏡別離處處添  
愁色風雨年年換舊條拂瓦且枯陶令宅泐溪不  
斷灞陵橋淒涼又見千門綠且老當時恨未銷

鹿鳴燕詩送諸進士

詩藝欣聞暫息兵槐花秋晚詔群英胡塵不隔路  
宮路鏡水初題鴈塔名禮盛邦侯開宴豆道隆鄉  
老幸簪纓更期妙手皆穿的薦士吳僚亦與榮

至日

客中雙鬢老塵埃海角仍逢至日來近臘風光初  
染荔新陽氣力僅浮灰豆糜厭勝憐荆俗雲物書  
祥憶曾臺搔首故園心欲斷少陵賴有掌中杯

曲倚

器或因柔木且夏月勢相併適用形雖巧論材性本  
柔倦凭觀秘籙趺坐接綱流莫效愚溪戮時多曲

似鈎

宵長

宵長慵早寐念念客愁新燈影明高屋蛩聲動四鄰  
滿懷平日事雙鬢倦遊身避地從漂轉西風羽  
檄頻

試弓

結束擬從戎秋堂試寶弓角寒開拒手弦勁響流  
空巧習穿楊技神誇飲羽功挽強吾有待狐兔莫  
爭雄

次韻張守梅詩

棘蕭蕭野岸隈暗香消白心已傳梅雪欺籬落  
難認暖入枝條併欲開愁向天涯今度見老隨春  
色暗中來似聞詩社多何遜盍試招邀共一杯

次韻張守立春

把酒酬佳節遨頭樂未央池水猶澁舫岸柳已籠  
墻曉院簾幃卷春盤餅餌香慙懃分彩勝為掩鬢  
邊霜

九日登北山

戲馬英雄安在哉閒因九日上崔嵬步窮巖壑身  
忘倦望盡乾坤意始開已向晚風伴落帽可無新

菊共浮杯佳時及早須行樂老境侵人咄咄來

荔子

挺秀窮荒嘆未遭昔賢吟賞著風騷縱班盧橘材  
非偶不近長安價愈高烟雨萬株遙若畫塵埃一  
騎笑徒勞瑀盤此日無遺選品格妍媸敢自逃

龍眼

幽林旁挺綠婆娑啄啞雖微奈美何香剖蜜脾知  
韻勝價輕魚目為生多左思賦詠名初出玉局揄  
揚論豈頗地極海南秋更暑登盤猶足洗沈疴

次韻張守酴醾二首

榮華休羨黑頭公且對芳辰賞麗叢十萬青條寒  
掛雨三千粉面笑臨風莫將擬雪才情賦盍與觀

梅興味同只恐春歸有遺恨典刑猶在濁醪中一作

刺束霜凝懸蠟癭  
香薰滿濁醪中

退食黃堂喜自公不妨幽興囑芳叢雙旌不出閒  
春晝大筆微吟綴祖風老矣交朋今日少飄然游  
宦異鄉同杖藜約我過南浦賢聖時時為一中

荔子

炎蒸午枕夢滄浪落落星苞喜乍嘗筆下丹青千  
品色釵頭風露一枝香雞冠借論何輕許馬乳爭



名固不量直待當時妃子笑驪山千古事淒涼枝

韻有叙  
次施子韻

之子才非碌碌流一官將母海濱遊妙齡意氣看  
長劔久客風霜嘆敝裘完璧有懷空慕蘭著鞭它  
日定先劉岫窓故隱今何在草棘連雲淮楚秋

次韻張守秋懷四首

杖藜乘興出佳處每關情白石溪流淺黃花籬落  
清林烟經雨薄野日傍山明賴有杯中物愁懷得  
暫平

徙倚山堂晚悲秋萬古情雨蔬猶擢秀風沼自揚  
清野迥歸牛小沙寒白鳥明淒淒楓柳樹汝意亦  
難平

失計縈塵網栖厭不情興隨鳧鳥遠官比綺曹  
清大案高編古深房紙瓦明聖賢聊晤對事業只  
平平

歲事何倉卒微吟寄客情野耕方刈熟鄰釀已沽  
清歸鴈年年急寒烽處處明予衰倦流轉夢想玉  
階平

屏山集卷十六終

屏山集卷第十

詩

次韻蔡學士巖桂

才應擣藻大明宮  
戲詠巖花屬意工  
酷愛清香凌鼻觀  
更欣佳句愈頭風  
移來已覺池臺勝  
賞處何當杖履同  
不解小山招隱意  
巖幽歸夢遶青叢

得冲佑命

幾年歸夢水雲間  
猿鶴重尋已厚顏  
慚愧君恩猶竊祿  
官衙新帶武夷山

與温其對榻

細雨南窓夜青燈對榻眠升沈嗟薄宦聚散忽流  
年失路誰推轂他時看著鞭竹林須款集君亦暫  
留連

和士特栽果十首

桃

手種桃花滿北山花紅豔豔照春灣不知何代兒  
孫老却見漁舟乍往還

李

仙枝移傍小巖幽答還名推第一流曾向清波  
寒碧甘水五色但輕浮

梅

林漸見綠陰濃漠漠輕烟細雨中底事望梅能  
止渴惟應萬想先來空

橘

南北由來地氣偏凌寒松柏但蒼然踰淮種橘今  
為枳豈比中人性易遷

櫻桃

一樹含桃火爍空而今春獸隔離宮只應壯士憂  
時淚洒向枝頭點點

梨

定榴結實熟... 取一... 霜染茜容萬子同胞無  
異質金房玉... 實三

棖

張橋甘酸各效... 錫貢不同并果中亦抱遺  
不美有客攀條氣... 膺

枇杷

高斜金九綴... 根漢苑識風流也知不作清  
時瑞朽腐那... 愛

來金

... 誰徒向天涯好尋青李相

... 風味應同... 少家

栲栳

秋林黃葉晚... 霜嚴熟蒂甘香味獨兼  
火傘頽虬浪... 衰拂風標那似邑中黔

與原仲至交溪橋

倦憇春橋午... 回環翠碧重亂溪流背海  
新柳色欺... 松厭市常思野為官不及農  
喜逢湖上客談話得  
從容

山源

汨汨山源水分流去若馳有聲知尚淺得勢轉阻

甲草棘連荒浦魚蝦聚小低  
赴予湖海興惆悵念  
前期

春望

杳杳盡寒色乘高望更迷  
晴山氣上春漲野橋  
低幽鳥啼無伴閒花發  
欲齋幾多沈寂景醉筆為  
提撕

書齋十詠

筆架

刻畫峰巒勢乃功翰墨餘  
指念閒書豈永高卧數中  
書

剪刀

錯落幾丁合日煖百鍊光  
前裁皆在乎終不露鋒  
銛

喚鐵

號令行惟信人誰不我承  
喚鐵烽諸國數敲鐵小童  
磨

紙拂

拂兒雖草創日用最相親  
草遣維摩室潛生度亮  
塵

圖書

懶非蘇子佩柳置簡書間尺

續予慵理何勞汝汗

穎

塵紙獅子

鎮浮須假重刻后作後貌偶

以形模好兒童競見

知

界方

抄書防縱逸界墨作遮闌妙

刀誰能識心端筆自

端

硯瓶

小瓶防硯渴堦堊自良工懷

清誰見聊憑一滴

通

燈檠

代木收奇幹安燈創小檠勿誇能自照得助益高

明

楮案木

匠餘留片木楮案定欹傾不是牽繩墨人間地少

平

有酒

誰家好事許相過有酒何妨醉面酡兄弟偶同詞  
館逸林泉偏傍故園多晨鍾爨趁伊蒲飯晚艇時

聽款乃歌莫遣是非來到耳只應愁睡奈閒何

過東陽

小箔鳴機幾萬家時清猶想舊繁華樓臺夜映雙  
溪月簫鼓春迷後坂花回首十年真夢寐停驂四  
顧但風沙却過蕭寺無人語獨對枯林數暝鴉

題蓋竹廟

雙猿嘯月寒巖幽陳侯故家官渡頭陰陰老木旆  
旌暗渺渺驚灘雲霧流九旅已荷本朝渥三鴈更  
忻同日侯我來瞻拜想遺直嘆息此道今悠悠

遊北巖

濺濺小水暗通池熠熠高花亂出籬知有精廬渚

寂寞一作勝地更忻蠟屐共襟期一作赴茗芽未辨三

湯試麥餅先嘗十字炊幾許幽竒待知己品題政

在一篇詩一作接勝探竒終日快可無餘興為題詩

訪原仲

布衣自昔有遺才白首窮經隱澗隈門掩青山朝  
暮色客來濁酒兩三杯鴻冥豈復驚塵網鷄薦虞  
聞達帝臺我亦放情依一壑雲間杖屨喜相陪

北風

鴈起平沙晚角哀北風回首恨難裁淮山已隔胡

塵斷汴水猶穿故苑來  
紫色蠅聲真倔强  
翠華龍袞暫徘徊  
廟堂此日無遺策  
可是憂時獨草萊

同原仲茂元致和入開善

寒聲蕭蕭霜葉秋  
石路硠确穿林幽  
雲橫遠岫若平斷  
風約小溪如倒流  
偶經名藍亦終日  
喜有勝士同茲遊  
移床果茗咄嗟辨  
曳杖欲歸仍更留

原仲溫其彥藻彥符致明集敝廬

清樽勸客且留連  
亂後相從亦偶然  
三徑生涯鄉社裏  
一秋心事菊花前  
向來憂喜皆陳迹  
老去光陰逐斷弦  
懷抱故人今有幾  
只因情話可忘年

過天竺寺

一徑聯鑣去身疑  
在畫圖林陰穿  
欲盡山雲謁近還  
無下榻聊盤礴  
裁詩屢囁嚅  
道人留客意  
片月出雲孤

山館偶題

水遶山堂竹映橋  
偶來塵意已潛消  
最憐曉日浮波影  
滿壁煌煌玉電搖

悠然堂和致明絕句

清霜一夜倒薰葭  
放出湖光徹遠沙  
漠漠浮煙收欲盡  
晚風輕浪蹴銀花



雜題四首

積雨生秋意，浮陰放晚晴。  
鐘聲寒野迥，橋影小溪清。

殘霞銷暝色，新月長圓輝。  
黃落樹滋本，夜眠人息機。

簷溜停清瀉，林聲息怒號。  
水浮秋色遠，山帶夕陽高。

宿鴈猶驚渚，昏鷓已著林。  
野平雲散亂，江動月浮沈。

道中

微風收宿靄，細路遶平臯。  
石亂春溪急，山寒曉月高。  
鳥聲時出樹，花氣欲侵袍。  
行役無清賞，驅馳未覺勞。

次彭資深韻

林下相從多勝友，誰如吾子妙才華。  
曳裾所至成師席，射策由來有世家。  
意氣胸中千里駿，文詞筆下九光霞。  
郵亭一見傾懷抱，投分金蘭不足誇。

奉酬少稷道舊之什

少日胸懷輒自竒，與君談笑叩天扉。  
南宮試藝聯裾出，上苑尋芳結騎歸。  
亂後交遊今孰在，向來心

事已多違雙魚忽得平安信回首家鄉夢欲飛

宿雲際偶題

穀雨都無十日間  
落紅草已斑斑  
曉烟未放屋頭樹  
春漲欲浮天際山  
千蓋紫風沈遠坂  
漁舟驚浪落前灣  
鐘聲認得林逡寺  
歲歲籃輿獨往還

贈唐朝倚

之子詞鋒孰敢爭  
它時云路定飛騰  
客懷未免悲  
彈缺文社遙知喜  
得朋舊隱生涯三  
逕菊夜窓弦  
誦十年燈長篇寄我情  
何厚欲和陽春愧未曾

雪

晚天冥漠霰初飛  
皓皓山顏復水湄  
莫遣瓊林生  
染汗却憂雲路隱  
巖危寒侵夜褐樽  
前覺春入晴  
簷枕上知憶得  
梁園探花早  
十年淚眼看旌旗

隆祐太后挽歌辭三首

三朝欽母訓四海被仁風  
倉卒垂簾政艱難  
取日功仙遊睽懿範  
孝慕慘皇衷  
寢隧休華飾  
靈輻必返嵩

謚易徽名正恩加戚屬優  
素心潛道妙盛化秉坤  
柔握璽終存漢駕  
梁實配周願書  
班馬紀萬古播  
芳猷

儉約身爲率憂勤壽豈延鐘殘長樂夜日斷秦陵  
烟歸馭應奔月餘勲賴補天傷心南渡日一棹瀨  
江溪一作船

徐大著挽詩二首

韋經傳素業漢策射魏科史擅三長譽書讎九寫  
訛醜塵終寂寞雲路久蹉跎迅景崦嵫迫知君恨  
獨多

方同傾蓋樂遽起絕弦悲道向清朝屈心惟靜者  
知阻脩綿酒奠誰序錦囊詩宣室空思賈淒涼又  
一時

次韻劉憲詩二首

吾宗三鳳又心降一見端如渴飲江好客襟懷直  
絕倒封侯骨相自耆龐知名夙昔慚驚座袖手雍  
容笑斲窓豈謂詩盟容我輩啞鐘無韻若為撞  
已築高城受虜降盟言端的有如江翠華回蹕清  
馳道繡指觀風絕犬龐借凱奏花卿初卷甲詩成  
草聖屢題窓還朝有策裨聰聰納諫那憂以杖撞

次韻温其雪

侵凌臘尾近春前凍色真真不見天一洗氛埃終  
自潔暗催花柳為誰妍單衣窶巷無朝纓垂箔高

門有醉眠聞道江頭消息好玉旌瑤幟滿樓船

次韻原仲幽居

貴賤營營各有求柴門晝掩靜幽幽讀書無效空  
千卷學稼雖勤少一丘感慨舊餘玉粲賦棲遲今  
倦長卿遊幔亭莫失春風約我亦身如不繫舟

次韻原仲竹

夕煙浮野圃春竹過鄰墻石澗深深影風軒遠遠  
涼禪心敲有韻翠袖倚生香不有冰霜勁蒿萊到  
汝長

書事

三年王帛走稽山萬騎凌江稍北還絕塞風烟  
魏闕千官戎服立朝班皇圖鳳歷謳歌裏紫色  
聲強強間露布更傳原上捷王師早晚下潼關

客路

客路經春雨淹留未得歸徑泥黃染屨林霧白侵  
衣直氣何由吐愁心只欲飛東風如解事吹夢落  
漁磯

哭呂

瞑目荒山裏携家萬里來旅塋猶借地兒哭不勝  
哀裂甑妖難測藏舟事可猜大賢應有後天道信

悠哉

贈唐道人

道人山北住鄉曲舊知名語妙初疑簡神藏久益  
清夜衾寒楮白歸鳥兩鳧輕心靜皆仙境何勞款  
玉京

燕子

燕子何光彩飛飛引衆雛營巢終老草解語只含  
胡賀履恩非淺焚宮禍亦殊寥寥鴻鵠志嗟汝豈  
能俱

秋意

又見庭梧一葉飛物華心事兩差池百年未半老  
相逼四序平分秋獨悲過岸山川雲漠漠殘燈院  
落雨絲絲客懷料理須杯酒哭向窮途定自癡

屏跡

屏跡山樊避世喧晚風落日靜柴門寒泉遶竹通  
幽圃小徑穿田入別村散策微吟霜葉脫鈎簾宴  
坐碧雲翻閒中興味知何晚絕口名途不更言

哭士特二首

自古才難得斯人又早亡青蠅頻去國白首嘆為  
郎不覩遺書奏徒懷挂劔傷楚魂招不得南斗夜

無光

世緒風流遠鄉評譽望清苦心幾傳癖老筆擅詩  
名已訝祥占鵬終憐夢泣瓊五峯雲外碧一慟見  
交情

讀士特詩集

誰將家集到書帷故喜風騷擅一特快讀祗愁唯  
寬誤流傳不但落楓竒唱酬濫許聽東野叙引仍  
欣得救之生死窮途天不恤虛名安用日星垂

燕子

燕子營巢得所依啣泥辛苦傍人飛秋風一夜驚

桐葉不戀雕梁萬里歸

下難

亂石槎牙瀉怒濤滿船性命等鴻毛莫誇好手翻  
成誤寄語舟人穩着篙

致明惠蓮裁

玉井初浮翠出禪風漸扇紅開長梯顧我安得淨  
社如君盍來

絕句五首

目送孤鴻獨倚樓  
風吹淚更橫  
流蕉花落處  
蠻烟碧  
六十三程是白州

雙魚來自璋江濱一讀家書一愴神見說炎荒風  
土惡可無神物護忠臣

干戈擾擾恨何窮南北東西任轉蓬世事不堪長  
齟齬宵中賴有氣如虫

喜聞歸騎已揚鑣載酒相迎不憚遙我是武夷東  
道主便同蠟屐上山堯

竹遶茅簷水遶階東風漸欲放春回丁寧紅紫休  
爭發待取山南刺史來

寄蜀二首

盜隔枝江遠人來蜀道稀亂離非復昔富貴不如

歸戎馬心何壯家山願莫違阿圓從小慧解嘆白

雲飛

有客傳歸信愁懷得暫寬兒童占鵲喜鄰里借書  
看離蜀秋方半浮湘歲欲闌柴門頻洒掃夢想見

征鞍

野墅

野墅驚秋晚殘年忽忽過海潮通井淺林日到窓  
多酒盡鄰翁餉詩成稚子哦人生行樂耳軒冕奈  
余何

秋宵

秋宵如許永兀坐思悠哉手誤挑燈滅情長鼓瑟  
哀清號生竅穴皓色轉崔嵬醉覺雄心在流光且  
莫催

春圃六言三首

候騎不侵南海好山多近吾廬醒歌醉眠任我朝  
奏暮召從渠

又

南堂面山已勝北檻俯澗仍幽千巖莫非石友萬  
壑總是清流

又

酒時須一中  
猶殘柳雪新

屏山集卷第十七終



屏山集卷第十八

詩

汴京紀事二十首

帝城王氣雜妖氛胡虜何知屢易君猶有太平遺  
老在時時灑淚向南雲

玉璽相傳舜紹堯春堂上獨逍遙唐虞盛事今  
冥落盡卷清風入聖朝

聖君嘗膽憤艱難雙蹕無因日問安漢節凋零胡  
地闊北州何處是通汗

朝廷植黨互相撻政事紛更屬紀年曾讀上皇哀

痛詔責躬猶是禹湯賢

聯翩漕舸入神州梁主經營授宋休一自胡兒來

飲馬春波惟見斷水流

內苑珍林蔚絳霄圍城不復禁芻蕘舳艫歲歲銜

清汴纔足都人幾炬燒

空嗟覆鼎誤前朝骨朽人間罵未銷夜月池臺王

傅宅春風楊柳太師橋

御路丹花映綠槐瞳瞳日照五門開五皇欲與民

同樂不惜千金築露臺

神霄宮殿五雲間羽服黃冠綴曉班詔許群臣見

宮廷控馬紫茸袍笑指金丸彈翠毛鳳輦北遊今

未返蓬蓬良獄內中甘向

篤馬藉清香步障渡並北冠子玉簪斜一特風物堪

萬斷機女猶挑韻字似

萬炬銀花錦繡園景莊門外軟紅飛淒涼但有雲

頭月曾照當時步輦歸

雲芝九榦麥雙岐盡有嘉生瑞聖時玉殿稱觴聞

好語時教張補撰宮詞

橋上游人度鏡光五花殿裏奏笙簧日曛未放龍

舟泊中使傳宣趣鄆王

天旄龍媒十萬蹄春池蹴踏浪花飛路人爭看蕭

衙內月下親調御馬歸

盤石曾聞受國封承恩不與倖臣同時危運作高

城砲猶解捐軀立戰功

梁園歌舞足風流美酒如刀解斷短愁憶得少年

多樂事夜深燈火上樊安

倉黃禁陌夜飛戈南去人稀北去多自古胡沙埋

皓齒不堪重唱蓬江蓬取

河漢如雲掃沈寥登東寒鐵響清宵竹窓鷲破高

人夢門外駸駸萬馬朝

輦轂繁華事可傷師師垂老過湖湘縷衣檀板無

顏色一曲當時動帝王

長句寄尚明學士

短褐沉潜不近名只今且樂鄭康成酒中賢聖無

多酌琴囊宮商一再行松窗墨放懷新水石烽烟回

首舊蓬瀛四愁不為思且石作懷抱何因得暫平

讀韓子蒼呂居仁詩

詩人零落嘆才難二妙風流壓建安已見詞鋒推

晉楚定應臭味等芝蘭馮軒意氣慚交呂鳳躍聲

華敢望韓咫尺烟塵不相見它時惆悵隔金鑿

題將軍巖

昔年樓險人何在髮鬢樓臺香靄間事去長空飛  
鳥沒時清宴坐一僧閒霜秋石壁黃金樹月夜雲  
濤碧玉灣杖策時來訪奇絕漁樵幽興自相關

遊武夷山

回薄湍流漾翠峯夷猶一舸縱幽尋幔亭落日笙  
簫遠毛竹連雲洞府深似有碧雞翔木杪誰將丹  
鶴寫巖陰神仙可學止身外多少遊人浪苦心

致中惠瓜

與致明對榻

勝會嘗連榻還欣與子披侯家昔見連阡盛賈肆徒  
中道舊驚身老談玄了分步意臨風宛若對冰姿  
何窮

實齋煩言及時蘇并筠籠香

登原仲茅亭

茅簷聊徙倚落日見樵夢先尋紫翠堆借問劉晨今  
無劇談容謾叟逸興莫來

事愚

明珠宮憶舊遊此日劉郎心

送瓜與胡原仲

呼兒急走走送筠籃敵吳

秀潤滿襟寒雪  
江清甘  
精廬若可尋  
怪底扶筇筋  
應益盜慚  
它日儻收道

菊

青叢馥郁早抽芽  
金英

淡泊化工可是惜  
鉛華

籬五柳家暮醉朝吟  
世

黃彥達之衡山古

窮臘冰霜千里客  
此行

酸鼻無力吹嗟  
祗厚

此世途艱曳裾  
端白

悠悠定自癡兀坐南窓了

隨屐下寒空  
一秋夢桂仙

門鳥聲幽谷  
樹山影夕陽

置樽平生枯淡  
意去此欲

與致明對榻

勝會嘗連榻  
還欣與子同一燈  
寒夜永殘夢雨聲  
中道舊鷺身老談玄了  
性空卜鄰今有約  
泉石興何窮

登原仲茅亭

茅簷聊徙倚  
落日見樵蘇  
過鴈飛何急  
寒山遠欲無  
劇談容謾叟  
逸興薰潛夫  
寸祿甘華髮  
人生底事愚

送成與胡原仲

呼兒急走送筠籃  
敵異惟應此物堪  
一握青瑤含

秀潤滿襟寒雪  
亘清甘搔園底用修鄰  
怨剪棘聊應益盜  
慚它日儻收遺辨種  
離離虎掌徧山南

菊

青叢馥郁早抽芽  
金蕊爛斑晚著花  
秋意祇應宜淡泊  
化工可是惜鈿葢  
輕烟細雨重陽節  
曲檻疏籬五柳家  
暮醉朝吟世採摘  
更憐寒蝶共生涯

黃彥達之衡山石詩留別因次其韻

窮臘冰霜千里客  
此行何事更間關  
永懷契闊徒酸鼻  
無力吹噓祇厚顏  
以鈿繫一囊身計拙  
烽烟匝地世途艱  
曳裾端向峴門去  
清夢猶應憶故山

懷遠

樓北樓南烟岫  
遶水光秋色澹無涯  
風驚枯葦連汀  
雨霜著寒楓滿樹  
花故人悠悠絕雙鯉  
別恨耿耿聞悲笳  
索居懷抱向誰寫  
古調一吟青鬢華

梨

尚想飛花照綺  
䟽離離秋實點烟  
蕪丹腮曉露香猶  
薄玉齒寒冰嚼欲  
無舊有佳名留大  
谷誰分靈種下仙  
都蔗漿不用傳金  
碗猶得相知病少  
蘇

築室

旋翦荆榛出舊  
蹊架巖鑿壁啓幽  
棲已通鄰圃盡

栽竹更搭飛橋南過溪蓮社昔誇廬阜勝漁舟空  
向武陵迷宦遊若勝歸田樂肯把軒裳換一犁

絕句送巨山二首

二年寄跡閩山寺一笑翻然向浙江明月不知君  
已去夜深還照讀書窓

江邊胡虜年年盛借著應須爲掃除聞道漢皇方  
反席不因詞賦召相知

送元仲

惆悵回車不可攀故廬猶得及春還遙知去路風  
烟好看盡閩山看越山

致中惠瓜因成二絕句

故人夙有瓜畦約走送筠籃百里間翠甌瓊饜纒  
一握極知風味勝黃斑

蔗漿溜溜香浮玉蘇水沉沉色弄金那似其瓜能  
破渴一盤霜雪沍清襟

勸六四叔卜居

便合誅茅隱舊陂亂來吾里獨熙熙年豐未忝侵  
山上地僻杉松傍澗歌涉世有求俱筭筭歸田得  
計莫狐疑竹林杖屨從茲始二阮風流儻可追

贈王周士

逐客初從瘴海歸平生未識想英奇致身不負管  
城子報國聊將雕面兎舌在壯懷猶未已途窮俗  
眼少相知虎頭合是封侯相笑挽天河會有時

杖藜

亂後惟憂死無心問歲華故園依草莽今日見梅  
花園俗嘗三飯僧房但一茶海瀕猶未穩更擬訪  
仙槎

有懷十首

滿空寒雨雜飛烟湖上先生擁褐眠借問茅齋容  
客否夜燈相伴讀韋編

胡原仲

結茅同隱水雲間何日柴車不往還憶得松林長  
嘯罷歸時明月徧秋山

劉溫其

山空墜石咽寒溪雨濕浮雲晚更低不見蕭屯劉  
處士年年清夢逐水畦

劉到

當年冊府仰才華一跌青雲萬里賒白首却來蓮  
社裏幅巾緇褐誦楞伽

鄭尚明

風驚枯葺白花浮欲下橫橋晚更留惆悵不逢吳  
季子一溪寒水帶烟流

吳公路

青錢學士妙文章便合含毫侍帝傍寂寂閩山餘  
舊隱憶君時到讀書堂

張巨山



松底柴門盡日關主人西去幾時還長鏡委地黃  
精老時有寒猿嘯硯山傳茂元

馬蹴浮埃去路長相逢端欲問行藏未饒赤壁風  
流在且向何家醉碧香周元仲

翁侯滿腹是精神三謁金門計未成却跨蹇驢遊  
雪上秋風雄劍匣中鳴翁德功

曾訪高人上翠峯至今清興逐松風籃輿夢想行  
山處白葛花開細雨中密菴

### 山寺見牡丹

倦遊曾向洛陽城幾見芳菲照眼新載酒屢穿鄉

相園傍花時值綺羅人十年客路驚華髮回首中  
原隔戰塵今日尋芳意蕭索山房數朶弄殘春

### 送六四叔之茶陵

底用忽忽便據鞍離觴縱滿不能懽蕭湘萬里客  
愁遠鷓鴣一聲春事闌此去官遊當益顯時來功  
業自非難以聞幕府資奇畫好借雄風弄羽翰

### 蕭屯訪致中

曉色陰晴久未分亂山何處是蕭屯荒荒日轉漁  
樵路靄靄烟生柰柘村勝地逢春聊駐馬主人好  
客為開樽平生夢想歸田樂正喜吾儕得踐言

李似表見訪

石磴荆藩隱薜蘿，豈知迢遞枉鳴珂。交游奈久如君少，邂逅成懽此夕多。千斛敢求身後傳，時似表兼史樽聊和飲中歌。雲鵬欲舉那留得，南浦傷心又綠波。

致明携酒來雲際

有客攜家釀，敲門訪病翁。一春寒食過，幽寺晚晴中。嫩竹扶筥綠，殘花蓋地紅。牢愁賴君破，歸意莫怱怱。

次韻六四叔蘭詩

踈踈綠髮覆清潏，漠漠微香起夕陰。無復風流追九畹，空餘烟雨暗深林。誰分秀色來幽室，獨寫遺聲入素琴。還似高人遠塵俗，爭輝玉樹亦何心。

讀李忠愍文集

英竇直節想堂堂，不忍偷生向擾攘。二帝蒙塵方幸虜，六臣奉壘更朝梁。身輕欲抗豺狼怒，名在終同日月光。曾與先君共褒錄，拊編交感淚浪浪。

同唐明誠傳茂元遊晞真館有詩因次其韻

橘袖垂紅古觀秋，歸途邂逅得尋幽。晴沙散策隨山遠，夜月回船信水流。勝處無詩端可恨，它時有

酒更來遊相陪二妙平生交老矣襟期共一丘  
入白水次韻劉溫其詩

南山北山舊經行諸劉相看如弟兄一枰圍棋果  
敵國五字琢句真長城濁醪麤飯有餘樂小几踈  
簾何太清我來徑醉未歸得卧對屋角巖泉傾

宿士特山堂懷似表

襍被重來宿山堂  
死然池清秋過月林靜晚生  
烟仙李朝雙闕詩翁闕元泉無因訪存歿搔首暮  
山前

過致思新齋

酷愛鵝溪水潺潺傍馬流落梅寒嶼靜啼鳥暮村  
幽我病今朝已君家有酒不新齋最奇絕猶得少  
淹留

約致明入開善不至二首

喬松翠竹鎖禪關乘興時來興盡還懊恨劉郎招  
不得瘦筇獨自入寒山  
偶臨沙岸立多時淡淡烟村日向低幽事挽人歸  
不得一枝梅影浸澄溪

宿回向寺

清秋聊命駕細雨獨行山淺淡烟雲裏回還紫翠

間病多新覺老心懶舊能閒宿徧山南寺何曾興  
盡還

次韻趙清獻陰字詩

石磴雲房隱澗陰昔年清獻此清吟鳳池人物終  
難繼花縣風流直到今三尺翠碑遺墨在一林寒  
竹暮烟深平生景仰高名久敢負它時直愛心

次韻溫其種竹詩

種竹應須我輩人茅簷對此可忘貧  
歎風帶雨看無厭淡夜寒綃畫不真青女侵凌餘瘦節  
籜龍涎屈更分身會栽一管招鳴鳳千畝何須羨渭濱

空抄渭川之語故及之

次韻溫其見寄長句

拂衣歸去隱巖高世事悠悠亦飽經  
午夢溪聲搖戶牖夜吟花影轉湘管  
已甘衰病安堯壤豈有聲名動漢廷  
好事髯翁每相遇幅巾藜杖喜逢迎

周元仲將出山有愁別園林後夜春之句因

作此詩留之

山館春來特地幽岸巾何日不同遊  
花隨石壁高低發水遶茅簷左右流  
叵我三杯真性適哈臺一枕萬緣休  
山中樂事端如許為底周郎不肯留

伯勝文本袖詩見訪輒成長句奉酬盛意  
頗逐交遊戶畫高客來曳履亦逢迎舊知吾里多  
豪雋親識君家好弟兄衣芋滿畦聊卒歲琴書一  
榻寄平生驂騑歷塊終千里俗眼悠悠未可輕

呂尚書挽詩二首

昔在賢關日雄飛接俊髦家因登第起名為諫君  
高荷橐論思舊牙旗出入勞傷心淝水變遺恨激  
秋濤

國步多艱棘忠誠誓翼扶據鞍方矍鑠罵賊已含  
糊義在光悼史人亡失壯圖因公感家世憤氣欲

吞胡

和丘斯行牧牛頌

軟草豐苗任滿前蒼然穀棘卧寒烟直饒牧得渾  
純熟痛處還應著一鞭

夜涼

茅舍蕭蕭暑雨餘夜涼清若在水壺一窓月上杉  
篁影便是人間水墨圖

寄題鄭尚明煮茶軒三首

過耳颼颼未歇裝懷憤憤俄空它日寧逃冰厄會  
須一訪髯翁

龜鼎從渠染指，趨車絕念。流涎猶有清饒，未已茶  
甌日食萬錢。

一點春回枯枿，萬家譟動寒墟。鳳餅龍團玉食傷  
心半入穹廬。

寄題陳良臣願軒四首

七事疑生何晏三交夢，感虞翻獨養靈龜。不昧有  
人高卧願軒。

啼鶻底用流血渴，水猶貪飲河。勿謂山雷象淺人，  
生口禍常多。

竒峯一疊兩疊亂，淵清流濁流。那識高人勝處間。

然心地能幽

道醇泮宮識面德，潤梓里知名。相從固應未晚，畏

君難弟難兄

胡文定公挽詩三首

今代儒林伯，聲名舊藹如。不為簪紱累，常樂燕閒  
居。悟主承三接，尊王著一書。天胡奪楊維素業，未  
全據。

有意扶名教，躬行語默中。指模陶士器，藥石補天  
聰。衡嶽鄰新卜，伊川道已東。傳經知有子，接武大

明宮

奕葉論深契平生仰大儒淹留趨絳帳寂寞奠生  
芻忍見摧梁木悲歌碎玉壺尺書垂獎意提耳愧

朱愚

丙辰歲蒙公勉  
勵賜以手書

屏山集卷第十九

詩

徑山寄生子作道服三首

旋裁山蠶作山衣更著芒鞋白接羅自笑支離風  
貌野紆朱紆紫不相宜

遠信慙慙到草菴却慚衰病豈能堪聊將佛日三  
端布為造青州一領衫

粲粲休誇綺與紉紉蘭製芟亦良難此袍徧滿三  
千界要與寒兒共解顏

清泉亭老寄鼓枕二首

團團鼓枕樣新傳竹簟編床得飽眠耳界若聞聲  
外意不須過擊也鏗然

濛濛一覺直千金雅贈徒知感激深莫道林間高  
卧穩憂時亦有枕戈心

贈總上人兼簡無求居士二首

雙徑山中一衲衣曳筇遠遠叩巖扉愧無白壁黃  
金贈攜取清風滿袖歸

多謝徽州吳使君新詩問勞意何勤無求已得心  
空樂更作無心出岫雲

會蔡子思張叔獻二教授

片夙昔記追隨物變時移萬事非曉闌風烟胡  
騎滿夜窓燈火故人稀中郎秉德無瑕類平子談  
經有旨歸獨我衰遲愧朋友蹉跎已覺壯心違

次韻挹山亭張子猷絕句

鶴駕騰空春復秋淡烟寒日鎖林丘夕郎自是金  
門客莫更臨風思遠遊

遂老寄龍涎香二首

瘴海驪龍供素沫蠻村花露挹清滋微參鼻觀猶  
疑似全在爐烟未發時

知有名香出海隅幽人得得寄吾廬明窓小篆跡



跌坐更覺曾懷一事無

次韻溫其元日詩

曉來飛雨挾風顛洗出韶容換故年花動一紅明  
屋角山寒亂碧到樽前病如夜鶴孤還警老似春  
蠶飽即眠賴有故人開寂寞錦囊詩句許時傳

呂丞相挽詩二首

黃髮三朝老勤勞險阻中十年流馬策一日斷教  
功汎掃乾坤靜扶持廟社隆璜溪今寂寞髣髴見  
英風

慎重調鼎宣威屢幹方夷吾欣在晉尚父果

君劔佩凌烟閣笙歌逸老堂猶聞病乘馬遺恨隔  
清光

次韻明仲遊北巖

雲巖藏勝絕何路不潛通信步迷時遠冥心樂處  
同亂松風索索懸瀑雨濛濛陶謝多清興招邀有  
遠公

李丞相挽詩三首

委質艱難際精忠日月昭引裾堯浸縮斷鞅虜氛  
消顧眄安諸夏風聲動一朝南遷誰辨謗公論付  
芻蕘

文武中興相名高北斗南茂弘恢遠量安石暢玄  
談六策陳丹宸三休寄夢菴公所居人亡今孰賴  
憂國意如惓

賓榻勤初設詩筒辱屢傳一嗟雲霧隔坐閱歲時  
遷埋玉俄成恨乘風想已仙公作寄藥杵後賦有  
乘冷風而翩翩之語

終當挽行紼長慟總惟前  
無諸策題問顏亡絕好軻沒無傳

孔林黃玉化飛埃一派淵源有自來具體好時心  
似谷厲辭傳處口如雷聞聲盡是緇惟客見色無  
非古市槐却訝文公迷聖戶不知靈鑰有人開

次韻黃宰一源亭二首

聞說催耕步澗幽田家喜氣共春淳仁聲似水潛  
潛物不作驚人洶洶流

賓榻浮塵拂不開胸中豐恨結崔嵬慢亭雲散天  
全露猶想雙鳧化鳥來

翁仁山受恩歸以詩相訪因次其韻

寒壑響葉終日靜剝啄欣聞人叩關一聽清言風  
灑座幾回幽夢月沈山遺珠未許留滄海老驥終  
聞在六閑獻策明光豈無用人心久矣厭多艱

題王巖起樂齋三首

數叢脩竹擁齋居興味儵然樂有餘  
午枕睡酣窓寂寂清風來去自翻書  
怪底愁端生不已勞心逐事事無窮  
陶然一點冲融趣只在清虛淡泊中  
我亦雲根結小房年來與世界相忘  
定知可蛻紛華事不及弦歌氣味長

寄巨山

分携六換禁城烟夢也慵飛到日邊  
綵筆尚懷貂可續冰銜時許鴈遙傳  
紫微院靜君宵直綠葶村深我晝眠  
會向急流歸亦好雙筇同訪幔亭仙

寄題觀瀾亭二首

遙知壓水創新齋百里寒聲席下來  
準擬杖藜秋夜去同看月湧爛銀堆

未合滄溟勢不休噴雲齧石幾經秋  
雄心戲欲相吞吐一縱詞瀾筆下流

道醇作記

遊密菴致明有喜雨詩次元韻

雨氣經巖上僧窓暗復明溪流生急響  
松吹助狂傾擺極無邊潤蘂蔭一味清  
仁心樂同飽擁鼻發吟聲

次韻熊叔雅七言

只今漂蕩賈長沙來往三山躡縹霞馬上新詩猶  
憶支沈邊幽夢不離家風驚枯葦連汀雨霜著寒  
楓滿樹花却記梁園初識面干戈豈料落天涯

題石井二首

玲瓏巖穴巧如剗中貯滄浪百斛餘衰頰自憐遊  
世久襟懷未及汝常虛

道經蘭若偶停鞭客裏逢幽意惘然一把綠蘿蒙  
石竇夢魂翻憤醒心泉

登鵝湖妙峯亭次韻

偶向妙峯亭上望一襟寒色近春分晴風吹放天

全露吹盡江南江北雲

題吳若愚一經堂

老矣惟書愛未消喜聞新塾出塵躡軒窓近水來  
無厭弦誦因風聽忽遙游藝定知輕拾芥正心端  
欲似耘苗一經教子誠為樂家世從今未寂寥

寄如愚珙二首

射殿遙聞駐六飛天顏咫尺引儒衣吾家亦有臚  
傳喜叔姪聯名賜第歸

鴈塔蟾宮盡假途要須行實副名譽六經堂上歸  
來日飽讀平生未見書

次韻朱喬年送山老住三峯二首

已愛雲山信脚行  
撩人詩句更增情  
直須吏部尋盟日  
急遣雙魚一寄聲

平生耳裏三峯寺  
况識峯頭新主人  
借我一筇扶病去  
月林松吹度綸巾

朱喬年同溥茂元見訪

校書蘭臺昔名士  
懷會稽今望郎  
忽驚風采照戶牖  
便覺肺腑流水霜  
手談逼剝屢爭局  
眼食哈臺時對牀  
山林情話政可樂  
只恐雲路雙鷗翔

寄題黃應亨東明齋二首

不復來人世  
好學如君自少雙  
賴有羲和鞭  
較曉紅常照  
讀書窓

齋居雅意與誰論  
會見依光沐寵恩  
慚愧野人欺我嬾  
相招炙背坐松根

寄題清軒二首

聞說名軒寄遠情  
得非遊世厭營營  
丈夫出處渾無累  
只要心源一點清

中郎言語妙天下  
曾向軒中記舊遊  
一尺翠珉揮染罷  
水輪夜轉屋山頭  
喬年作軒記

有感二首

八葉炎圖茂千齡聖主昌農桑開漢域禮樂煥周  
庠晏粲三登樂謳吟七閩長徽名辭鏤玉盛舉冠  
前五

運屬宣和末干戈變故仍倦勤脩內禪流澤啓中  
興睢水千麾集胡沙八駿騰尺書傳諱日寰宇淚  
如瀉

孝感柔強敵和盟定一朝龍輅來瀚海鶴駕返神  
霄歌吹仍祠禹事具郭羹墻若見堯稽山同峻極  
從此百神朝

和黃德欽韻贈公路二孫

孤鯨趨踰政妙年階庭蘭玉固天然人間百藝  
由學惟有讀書知子賢

謝劉致中衣二首

萬言不直一杯水才似滴心良可嗟顧我小詩偏  
發市年年博得蕭屯衣

病翁癡絕端可笑文墨飢慙誰得稱故人分甘聊  
爾耳更向詩流說我能

詹君則賦光壁堂詩拉余同作

幽行已辦百枝扶况有溪山近故廬水碧山光都  
幾許道人著眼恰無餘

李佐國携致中贈別詩來戲成二首

星郎絕筆版曹卧嬾翁病弱稀綴文豈料詩壇人  
再鼓蕭屯賴有故將軍

贊皇吟毫不可掣交游酬答被深贈言排根入  
吾里以鄰為壑君何心

次韻白水雪梅二詩

閩雪少曾棲瓦白怪來浩浩橫天覆  
成致作敝

寒厄淡彩潛催幽幌晨眼  
觀醉中迷石色心華淨

處昭無堪搖不旋拾晶熒  
熱已覺肥生齒頰津

豪氣無根老自摧尚留餘  
言愛尋梅苦寒扶病也

須去薄暮微吟垂欲開靜  
網長芬風外塢醉臨高  
白水邊臺無言自得幽貞  
息莫吐肝腸錦繡才

原仲致中寄梅雪二詩可再次前韻

一雪度臘寒不春風光淡  
然溪谷濱清湖讀易月

當午烏石掛廬梅照晨未  
怕流膏耕沃野聊乘爽

氣款蒼垠嗣音風雅愧辭  
均安得筆翻雲漢津

飯了意行忘遠近備備老  
眼入疎梅愁邊賞味平

生劇亂後橫斜幾度開勝  
韻撩詩頻咕囁冷香薰

夢破哈臺莫將花客輕題  
品自有渠儂十倍才

橙子四首

尚懷細雨初移日著子已日  
清霜潛絕憐面有貴  
人色偶致吾儕樽俎間

橙蘼細縷風韻勝我不痛飲  
那知音何如金丸走  
衾枕三月夢遊蒼苔林

自從天籟守吏散老樹零  
煙雲淒今朝我為作

知己小摘秋風黃欲齊事一  
晉令

花窺泛密小劑供極有痛  
心麤邪功生枝滋味雖

可口流品故應甘下風事一  
本草

### 寄巨山

故人浮家攜李傍為愛脩竹  
分僧房霏霏玉塵夢

千里矻矻銀鈎書數行極知  
神潛鼻端白紙恐

動眉間黃烟波莫久費吟  
筆好繪日月增天光

### 次韻傅茂元三絕

濠樂亭前花已披馬軍送酒  
故來遲只愁風雨卷

春去紅染芳郊一徑泥

酒興何如畢吏部詩情已過  
鮑參軍醉吟自足了

一世肯羨飄飄出岫雲

### 居仁報李季言論養生之益

平生外鷺已知非木枕藤衾  
老可依春半風光唯

掩戶病邊懷抱自忘機不知  
靜守綿綿息何似閒



隨栩栩飛欲寄勤渠問仙李玄關底處是真歸

次居仁韻

是身如樹槁窮冬一點心華自閉封久矣吹噓存  
泛愛偶於遲暮得相從頗聞妙用縱橫是深愧真  
源左右逢白雪黃芽計雖下可能無意起龍鍾

送致明之高沙三首

忽驚風袂去翻翻老子吟毫強更援底事幽懷却  
成惡鵝峯一點入離樽

不夢清淮鬢欲凋因君色意飄飄鐵頭船子

遊處三尺霜鱗鏡面

棠棣陰中更唱和  
嘉賓助勇氣如雲勢孤屢欲批  
降手恐辱高沙小使君

次韻新鄉諸公雪詩二首

臘裏天公未得閒重陰先斃晚來寒數絲綽約流  
空際一陳繽紛糝夜闌已傍餘光窺蠹簡更消清  
液試龍團杜門自覺心神瑩老去追隨只強歡  
貪行堆礫意無寒不管飛花著鬢斑一段清光貽  
老境十年勝覽在家山遙知物外徜徉樂肯放毫  
端造化閒寸鐵不携當百戰欲申前令愧辭艱  
大年三月書來許訪弊廬繼聞阻雨已歸近

聞復有來意以詩溫之

畫沙筆妙言猶在折角巾歌興已窮不見此豪春  
色晚至今遺恨雨聲中詞華端是補天手謹浪故  
存高世風聞欲尋盟石峯下人生能費幾枝筇

分茶公美子應預為白曬之約

夢裏壺山尋二妙不因荔子髮絲華聊分茗盃應  
年例故有筠籠來海涯鮮苞尚想妃子笑橋面何  
取西施祀老饒惟作耐久計一瞬紅紫真空花

奇仲德華第二轉語皆有旨趣致中乃謂僕

操兩可於其間戲成長句

不可無詩絕盡然嘲玩寄嘉音唯阿似是摸  
棱乎虛靜初無照物心蓮蕩遠陰波面合董峯橫  
翠雨中深頗能逐勝此來否一笑又成梁甫吟

寄致中因溫前約

故山歸路豈云賒憶對春風餞物華尚口乃窮憐  
反古以年當廢惜殘花勤渠載酒傳非悞倉卒回  
輿事偶差今日重來綠槐夏已拌纈面醉君家

原仲紅釀甚佳嘗有十壺之約小詩發一笑

廣文挾書門戶閉廣文置書尊蠹開但欣引入著  
勝地豈暇問客從何來走浪畦風初綠稻屑塵村

兩欲黃梅十泓琥珀今餘幾壘塊非澆不可摧

居仁與季言論養生方往叩之而原仲詩有

金花充膝之語乃知致中妙用如此近捨

皇甫遠取居易豈不迂邪以詩請事

紫微談道渺無津逸步飄然歎絕塵擬向函關迎

老子不知鄭圃有真人數絲雪髮神彌瑩一點金

花意自春莫謂余衰難語此胸中勇氣尚輪困

致中詩戲論詩基酒輒次元韻

只應心醉六經醇自是陶陶晉魏人每尚幽居橫

素榻惟容我輩岸烏巾毫端空有千題巧枰上元

無一著真要得坦然懷抱穩煩君澆潑乳泓春

云乳泓味甚  
渴想風味也

屏山集卷第十九終

采山集卷第二十九

采山集卷第二十九

采山集卷第二十九

致中招原仲遊武夷

病暑冠裳與體忘一壘幽僻得深藏  
微風時度澗光活殘日忽無山氣涼  
但想子綦方隱几終慚南郭謾連牆  
何時九曲尋幽事船尾應須著漫郎

致中手談見知胡漳州而奇仲未有定論

了無勝負著胸中三百枯棊破老慵  
雲陳春收花脫樹電聲夜碎月銜峯  
危機每憚張顧虎窘步休誇獨眼龍  
無復漳州賞新妙只應公論付吾宗

采山集卷第二十九

次韻茂元茉莉花詩二首

翠葉光如沃冰葩淡不收  
一番秋早秀徹日坐傍  
香色照祇園靜清回瘴海涼  
儻堪紉作佩老子欲

浮相

三尺婆娑樹千英  
一律妝眼珠猶眩彩鼻熟不知

香向月資清潤承風發素涼  
一作流露香胎涼衆芳

如不思移植近瀟湘  
一作湘

同才仲入山女有懷奇仲

客至那容嬾牽節  
翠蘿山光知雨過野色見秋

多妙語時相奪微吟  
只自哦吹埴來獨晚此日恨

如何

寄行夫兼懷如愚珙

已把重陽菊吟懷  
不為秋江湖三俊遠天地一翁

愁日近書來少宵  
長夢不休吳雲猶可望時上重

峯頭

致中相拉遊二夷有六耳不同謀之語原仲

和章意似去平也再次元韻

年衰漸涸玉池津  
如巧明窓一七塵底用趨風防

六耳須知對影已  
二人高情政喜追靈運飽學那

容欠大春右挈左提  
俱有賴應憐懷抱久傾困

呂居仁挽詞三首

粹美元功畀風流相國傳有文光聖道無物累心  
淵侃侃常春氣堂堂忽逝川東萊一點秀冥漠楚  
山邊

皓首猶貪學謙虛德益豐潛神無朕際悟物不言  
中雖處持荷貴常安粹茹窮笑談驚委蛇儒事有  
英雄

江左欣初見傾輸便豁然挽留嘗一粥契闊已三  
年老去無新得書來每自鞭幽明雖永絕凜若在  
吾前

奇仲和致中棊詩有玄中一著是吾宗之句  
局上深機未足窮玄中一著若為通五宗惟明不  
是物三語孰解將無同常恨老懷多憤憤每逢益  
友太忽忽金篦刮眼寧無賴况是墻西有德公  
奇仲和詩有吸盡西江說是公之句

南鄰袖手只如愚東里談玄亦甚都可是據鞍方  
鏖鏢須防鬻璞得盧胡春空潮響來何自秋浦天  
容落欲無萬古西江只如許何煩呼吸費工夫

吳公路作功德院記成同居安入山書丹

淨坊疏寵自吾君盍有豐碑載策勲方見隳崔襲

翠琰忽驚落筆散彤雲言言未索西山氣噩噩新  
搗左氏文從此拱辰非厚夜月明鐘鼓九霄聞

子靜閱僕舊舉子文有詩因次元韻

雪穀烏紗氣似雲搖毫不瞬已成文兒時追逐無  
三捷老去荒唐更十分木裏液滿將底用韶邊朋  
肯豈堪聞却慚鋟板能流惡一付焚如政賴君肯

羯聲也

寄秀峯忠老

高鐘號月掩巖扉遙想幽人不夢時曾聽微言知  
見妙應憐嬾我用功遲憤疎種種寧相貸窓靜山

山尚可疑儻有一單容過客眼中須接秀峰奇  
轉秩奉祠蒙朝佐子靜慶以四六戲裁長句  
為謝

一嶺無情阻而談鳴翰忽墮得雙函抽黃對白雖  
云妙刻朽噓枯祇益漸小轉只緣官帶右雄飛無  
復夢圖南借留賴有天台侶老矣真成七不堪  
致明贈茯苓如嬰孩狀以詩為報

老松寒不死密壤聚流脂小斲凌蒼翠深藏發怪  
奇應憐霜鬢客為寄玉嬰兒屑餌消殘疾同尋汗  
漫期

屏山集卷二十  
四  
次翁來借諸家易解如聞已有新說以詩借

觀

天庭吐氣作青紅  
警邏猶煩小試中  
政使著鞭無暇日  
惟應讀易有清風  
晝評一卦紛然異  
夜夢三爻廓爾通  
聞說新箋極玄妙  
可無殘贖到衰翁

寄子靜

有約來何晚  
行吟遡遠風  
老懷清似水  
雙鬢亂如蓬  
晤語非無得  
踈慵政畧同  
秋來湖上集  
只是欠單公

夢如愚珙

驚破池塘夢  
宵長不再眠  
寒聲搖谷口  
側月到床邊  
一自芝蘭遠  
都無翰墨傳  
老懷安得寫  
孤詠不成篇

食鷲梨三首

寒烽夜滅禁淮長  
客舸輕搖度碧光  
北果初來珍重意  
層層殷紙透清香

拂拂鷲黃初借色  
涓涓蜜醴為輸津  
冷然一條心淵淨  
熟惱無因著莫人

瑠盤一卵寧論價  
新帶中原雨露來  
却憶春行梁宋野  
雪花瓊藥數程開



次李巽伯韻

蠟封泥印了不勤索居十載常念群變鄉寧飲建  
溪水懷友忽夢龜山雲閒中意度不沾俗老去詞  
華全付君阿戎來歸得新語戲筆報謝非夸文  
送晞侍者之湖南

茗椀深澆破別愁摻裾猶得小遲留不將流落遇  
知己故向難難作遠遊春動閩山迎兩屐夜涼楚  
月趁孤舟相逢應說龐翁笑黑頰黃髯萬念休

次六四叔青字韻

寫出吳中勝平生歷歷經露窺烟渚靜山入於樓

軒橋  
老氣何由逸奔驛不肯停北潭搖夢否淥面照

題慎儀餘清閣

並溪取次得奇觀更舞新薨翠木端政喜閒身特  
可到忽驚醉眼晚來寬故添山色浮嵐潤不逐湍  
流獨月寒散帙南窓更清絕興來直欲跨飛翰

春興

弱渌才勝舫危青更著樓管弦泝老伴風雨定花  
讎兀坐還無味微行却自由只嫌詩作崇咕咕不  
能休

時中良弼茂元慎儀集水閣

水色蕪山影漂搖小閣西風來幽轉活雨過萬紅  
低炯炯杯中趣喧喧枕裏迷新年一聲笑四友在  
潭溪

致中晚集

咲語北潭晚微寒入綺疏雨聲留篆霧燈影躍潛  
魚病間欲踈酒老便惟讀書喜君新隱地山翠切  
吾廬

酴醾四首

蒙籠春憶頂六矯赤虬身雨苦猶絨暖精神照晚

春

斑斑心點紫疊疊雪承冰除却橫枝韻群芳盡與

能

獨立幽亭晚春風玉一圍殘英不著地去作嶺雲

飛

霜蕤薰碧醪氣味已相傳終以香為累無人解倒

懸

寄張子平

老矣張平子飄零客此州清樽如有伴白髮不知  
愁雨燕梢簾入風花擁檻浮夢中家在否歸興莫

悠悠

次明仲涼字韻

浮暑熏人只欲狂秋聲未肯抹橫塘倦看黃妳渾  
無味醉著白練如許涼掃砌政須脩竹舞蔭花絕  
愛巨荷張紫髯不是輕風景更擬回鞭向葛強

晚飲

招提聊駐屐却去白雲堆老眼看山倦餘懷向酒  
開晚涼微雨送秋意一蟬催醉裏揮犀妙方知有  
逸才

次韻長汀壁間韻

窸鼠驚殘夢蕭蕭老屋虛風聲傳遠瀨寒意入秋  
蔬客路漂搖久歸身憔悴餘西窓滿殘照髣髴似  
吾廬

問明仲遊武夷日

兀兀聽涼雨開門雪漲川獨行楓葉底秋興鴈行  
邊老去無多事閒知有勝緣何時縱仙舸我亦願  
周旋

次韻文殊五言

小雨貽新句端如印印泥凝眸方過鳥倚杖忽橫  
溪老態猶堪強真豪已覺低鐘聲隔林寺慚愧有

幽棲

次韻施沆七言

酒香渾若過新豐心事悠悠冷  
咲中徹夜道傍梳  
葉雨幾年馬上挂枝風高情未許  
愁能挽歸意惟  
應夢可通準擬今秋刺追逐  
暗泉鏘佩月潭東

次韻明仲幽居春來十首

醉毫叵我落烏絲况是桃源乍入時  
祇恐昇平要  
章藻賜牋春動萬年枝

幽居十絕巧凌春我亦剝腸強效顰  
真愛樂懸知不  
同調山南山北寂寞久

一幅烏巾雪髮盈村深時聽鷄刀聲浪將闌  
艾許  
春事我自平生小屈平

歸來十六見新元種得黃橘遶舊村  
豈是儵然便  
遺物吾衰不復夢脩門

蒲團宴坐若還家羅轂知空了不遮  
可是春風搖  
得我蘭芳輕嘆淡黃芽

莫遣瀟湘雙鯉來歸心生怕曉禽催  
咄嗟新轉渠  
渠屋寒士懽顏正雨開

蹴蹴鳴山節一枝逢春聊復詠歌之  
故園風光本  
具足浪蕊浮花莫作迷

蓬鬆衰髮倦重簪一榻惟便獨寢甘却憶少陵詩  
句好依然雲木曉相參

近鄰分得續隨栽準擬新晴手自培不奈餘寒侵  
病骨勦糲無味却歸來

豈慚辛苦把漁竿猶有機心傍釣灘文定書堂最  
深穩何如袖手試觀瀾

次韻六四叔村居即事十二絕

桃花偏傍謫仙居點綴高石今幾株力士鐺邊欠  
何物著鞭跨馬是狂圖

飯了呼童疊石門雨餘幽事不勝繁花殘不用深

惆悵梧竹新陰又滿園

偶隨流水到僧家身世渾如焦穀芽午夢不知緣

底破篆烟燒編一盤花

聞道清湖別有春花邊玉笋想長身怪來幾日詩

筒少盡寫瑰奇賦洛神

潭邊春水碧於苔為聽泠泠溪畔來不耐顛風阻

人興漁舟欲上又吹開

蠲病惟應一日晴小窓螢度暗還明常編讀罷聞

幽鳥演出精微是此聲

酒惡時來漱淺谿玉池汨汨自生肥遊鱖豈解吾

曹意聊復蓬頭坐釣磯

春來大半在農疇邂逅相逢皆飲流貪看暮烟馳

萬柳不知明月上前洲

庾郎食事惟三九適口方知味味珍擬欲招邀無

此客虎頭不是箇中人

遼鶴歸來本姓丁咿啞幾見弄文翻人間過眼事

如許何用封侯羨夏羹

屋角仙洲入眼明清風涼滌滌醉魂醒麻姑未必堪

搔背薄相由來是蔡經

幾許推埋盡犯鋤而今云戶偃犀渠太平無象從

何見一夜春風長碧蔬

凝雲堂詩次文賀州韻

君家遙借我家山我亦時來一笑看縹緲雲扶千  
疊秀空濛翠滴兩州寒已將老日供秋晚未覺豪  
心怯酒闌文伯詩無飄泊歎盡將幽抱付遐觀

次明仲勤字韻

苦無聊賴憶披雲曳杖寧知四體勤握手便成忘  
適適緩談終愧自聞聞浮蛆釀熟貽彭澤斫鱸圖  
成想右軍莫為冷風發歸興石峯秋月許平分

次韻明仲贈六四叔之作

平生一笑輕離別林下相從各壯年絕愛步兵曾  
壘塊更欣阿大語蟬連杖藜只作尋常出卮酒何  
辭一再傳燕頷虎頭經賞識定應接武向甘泉

次六四叔韻

筍輿露汗每蒼黃今日追隨得快凉水落不知沙  
徑改風微如斬橘林香我緣新病仍添嬾君不時  
來有底忙只恐家山請人去十年秋興在殊方

祝道人日供梅蘭偶成小詩二首

病眼亡聊祇強回道入得得供新梅谷寒未必春  
先到幾夜冰蟾照得開

分花入戶間此心今合付翛然平生費盡  
鴟鵂不負幽芳十七年

梅詩呈六四叔

一枝新白破長林定想霜毫落有神蹶躄若予將  
底用猶堪卧護北潭春

寄致明并紀惠鴈觀梅之舊

雅劉於我最多情此日詩筒不絕聲孤一作鴈相

依真得地早一作梅一繁又傾城向來蘭好知誰

許病後霜林嬾獨行小几清香慰臨別一作愁絕極知

了了萬緣輕

拙句謝伯達老友

贈梅發言吾過矣衛生無術誰之尤魯兀游心聊  
自遣樂春舉足豈無憂

次韻上梅嶺

鞭鞭紅入日前菜玉盤盤是處喜相挽我來如許  
難沙清才灑灑陸翠入磳磳勃罕乾坤裏伊誰不  
自安

詞

驀溪山寄寶學

浮烟冷雨今日還重九秋去又秋來但黃花年年

如舊平臺戲馬無處問英雄茅舍底竹籬東佇立  
時搔首 客來何有草草三杯酒一醉萬緣空莫  
貪伊金印如斗病翁老矣誰共賦歸來艾壠麥網  
溪魚未落他人後

和明仲木犀花詞

秋入微陰涼生平遠小山愁絕天南似聞還斷飛  
策備千巖葉底輕黃纂纂惱人是微裂芳緘儵然  
勝清真冷淡無豔寄塵冗 澄潭敲兩岸波光搖  
動碧影相參任西風十里吹度松杉我自寒灰槁  
木 神處不覺醺酣歸來晚飛花無迹明月滿空



函

和章潮州南歌子二首

卜夜容三獻微懽極一時風流太守未厖眉放出  
筆頭光焰壓金閨藻麗花駢蔡清高雪亞枝曼  
聲恰與貫珠宜聽此直教拚得醉翻卮  
伎倆無多子逍遙自許時閒愁且莫著雙眉恰有  
梅香一點到幽閨寵辱棋翻局光陰鳥度枝頰  
然徑醉是便宜擬倩潭風吹綠漲瑤卮

屏山集卷第二十一終



